



सानसेयारि "बड'सा" ख्रीर्लाइयाव
ख्माज्यादि जिउजो लोब्बा थानाय रायथाय, ख्न्थाय,
खल', खल'बाथा आरो दावबायारि थावनि, पाक
बाइदिनि सायाव लिन्नाय लिन्दिबां दैथाय ठर/
सानसेयारि "बड'सा" ख्रीर्लाइया खेबखानावै
फोसावगोन।

बड'सायाव लिन्हरनायनि हुढा खलाम,
"बड'सा" ख्री नौथा, जो बयखो आंगो खलाम।

सानसेयारि बड'सा मावखलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Tuesday ★ 17 June, 2025 Kokrajhar, BTC, Assam ★ Vol.-35, Issue No.83 ★ R.N.I.Regd.No. 40994/91, Assam Govt. Regd.No.IPRD.40/2006/3, Rs.8/-

मावबिथांखिफोरखौ मावफुंनायजों लोगोसे सुबुं अन्सायारि हाबा-हुखाफोरखौबो मावगासिनो दं: गिबि मन्थि

**लक्ष्मीपुरआव अक्षयपात्र फाउन्डेसननि मिरु
संग्रा न'नि लाइखुन्थिया आरो हा फुजा मावफुंनों**

दिसपुर, 16 जून : गिबि मन्थि
उ हिनमन्त बिश्व शर्माआ दिनें
लक्ष्मीपुर जिल्लानि आजाद
वेवेजिया कुमार्तुपआव अक्षयपात्र
फाउन्डेसननि मिरु संग्रा न'नि
लाइखुन्थिया आरो हा फुजा
खालामनाय हाबाफोरिआव बाहागो
लानो हानायखौ नुनो मोन्दों।
मख'नो गोनांदि, 16 बिघा 3 खाटा
हा खालिखौ लाफानानै गासें
25.50 कौटि रं खस्सा खालामनानै
लुफुंजानो गोनां बे मिरु संग्रा न'नि
गेजेरजों लक्ष्मीपुरनि फयसालिनि
फ रायसा-फ रायसुलिफोरनो
(□ 6 बिलाइआव)



एपिडिसिएलनो रावनिबो बिगावारि एबा नख 'रनि हाखौ हगारनाय जानाय नडा : प्रमद बर'

राइजो-राजाफोरनो रैखाथि गोनां इयुन होनायासो एबसुनि गुबै थांखि : दिपेन बर'

पर्बतझरा बासबारिआव सोमजिनाय थासारिखौ लानानै बिटिआर सरकारनि गोनांथार सावराय मेल

कक्राझार, 16 जून : जों गोलाव
सम नांबोनयनि थांखिया नांनय
आरो सोरजिनायमोन। बेखौ जों
दिनें हमदांनो हाबाय, बे
बिबुंथिखौ लाखिदों बिटिसिनि
गाहाइ मावफुं सोद्रोमा प्रमद बर'।
मख'नो गोनांदि, पर्बतझरा
ओन्सोलनि बासबारिआव हा
हगारनायखौ लानानै सोमजिनाय
गोजोन गैथै थासारिखौ लानानै
बिटिसिनि ननुआव मोनसे गोनांथार
(□ 6 बिलाइआव)



साइप्रासनि जौसिन मान बाउजादों गाहाइ मन्थिआ, बे मानआ 140 कौटि भारतआरिफोरनि :मदि

गोदान दिल्ली, 16 जून:
'भारतनि बेसेनथि, हारिमुनि
सिनायथि आरो 'बसु धैब
कुतुम्बकम' बे गोजाम दर्सननि
हारिमायारि गनायथिआ बे
माननिनो मोनसे होन्नानै बुडो
गाहाइ मन्थि मदिआ। हारिमायारि
डिप्लमेसि सोमोन्दोनि मान
सावगायारियाव आरो मोनसे
गोगाथाव सम फैदों। साइप्रास
दावबायनो थानानै बे हादरनि
(□ 6 बिलाइआव)



बयनिखुइबो जौसिन मान मोनो
हादों गाहाइ मन्थि नरेन्द्र मदिआ।
भारत आरो साइप्रासनि गेजेरव
फारनैनि सोमोन्दोखौ बिहोमानि
(□ 6 बिलाइआव)

दिनें फुंखा थुनलाइयारि गौथुमआ दिनें 7थि गायसनथाइ सान फालिदों



सिमला, 16 जून: बाकसा
जिल्लानि दावधारायाव 2018 इं
माइथायनि 16 जूनआव जोनोम
मोन्नाय फुंखा थुनलाइयारि
गौथुमआ 7थि बोसोर आबुं
जाबाय। दिनें बे 7थि बोसोर आबुं
जानायखौ बर'नि मुंदांखा फेरला
फावगिरि फैला जे. बरगायारिनि
बान्जानायाव सानसेनि मेहेरगोनां
हाबाफोरिजों बाकसा जिल्ला
सिमला पुलिस थानानि सिडव
थानाय लोखिबाजार न'ब्लांआव
(□ 6 बिलाइआव)

गुरुवाझार भिचिडिचिनि साबेद आलिनि हेंथायै पिएमएवाइ-जि न' लुफुंनायाव जाखल'नायनि अजद



उदालगुरि, 16 जून : बिथिडाव
गासैबो दोलोआनो
बड'लेण्डआव जाखल'नाय
उनफिनानै थायाखै। एमजि-
(□ 6 बिलाइआव)

एनेरगानिफ्राय जागायनानै प्रधान
मन्त्री आवाज यजनानिसिम
जेरावबो जाखल'नायनि गोथां
मोगथाडारि सावगारिआ गले-गले
रिफिखां फैबाय थादों। जायनि फैदों
बेनो गावबागावनि गोसो बायदियै
सरकारि खाबुखौ जथुमनानै
गावबा-गाव सिफियाव
सोनायावसो नां थाबफैदों।
मुलाफगिरिफोरनिफ्राय एबा
गुबुन मावबिथांखिफोरनिफ्राय
जाखि-जाया बिथिनिफ्राय फैनाय
(□ 6 बिलाइआव)

माहारियारि सुबुं सानखो 2027 आ 1 मार्चनिफ्राय जागायसिगोन



गोदान दिल्ली 16 जून:
माहारियारि सुबुं सानखो 2027 नि
थाखाय गोलाव सम उसु-खुथुयै
नेनानै थानाया दिनें जोबफैबाय।
नख'र बिफानआ सुबुं सानखो
आयेन 1948 नि सिडव सुबुं
सानखो आरो हारि साइख'नानै सुबुं
सानखो जों सोमोन्दो गोनां
मावख'आरि गेजेरखौ दिनें
(□ 6 बिलाइआव)

2025 मायथाइनि NEET UG आन्जादआव उथिसार जानो हानाय ज्योति मुसाहारिखौ सिमेन दख'रा एबसु आरो सिमेन गुदि बर' थुनलाइ आफादआ बरायदों

देग्लायनि 2025 माइथायनि NEET UG आन्जादआव ज्योति मोसाहारिआ 453 नम्बर लानानै उथिसार जानो हादों

सिमेन सापरि, 16 जून:
धेमाजिल्लानि सिडव थानाय
डेकापाम हालामनि फागुन
मोसाहारि आरो फे सालि
मोसाहारिनि आंगो फिसाजो ज्योति
मोसाहारि आ नेसनेल टेस्टि
एजेन्सिजों खुंजानाय देग्लायनि
NEET आनजादआव 720
नम्बरनि गेजेरव 453 नम्बर
(□ 4 बिलाइआव)



मेट्रिक कम्पार्टमेन्टेल आन्जादनि फिथाइखौ फोसावबाय, उथिसारनि हारआ 25.09 जौखोन्दो

गुवाहाटी, 16 जून: आसाम
राइज्योआरि फयसालि सोलोंथाइ
परिषदआ दिनें मेट्रिकनि
कम्पार्टमेन्टेल आन्जादनि
फिथाइखौ फोसावबाय। बे खेबनि
मेट्रिक कम्पार्टमेन्टेल
आन्जादआव सा 13,585
आन्जाद लिस्त्राफोरा उथिसारनो
हादों। मख'नो गोनांदि, बे
कम्पार्टमेन्टेल आन्जादआव सा
54,134 फयसालि आन्जाद
लिस्त्राफोरा। उथिसारनो हानाय
फयसाफोरनि गेजेरव गिबि
बाहागोआव सा 422, नैथि
बाहागोआव सा 8,975 आरो
थामथि बाहागोआव उथिसारनो
हायो सा 4,188 आन्जाद लिस्त्रा
फयसाफोरा। बेनि गेजेरव स्टर
मार्क मोननो हायो सा 3
फयसालिफोरा। □

चिरांआव 50 बोसोर बैसोनि लांसुनियाआ 11 बोसोरनि हिन्जावसाखौ आथोनआरि उतखार खालामदों

राइजो-राजाफोरा हमनानै साजा होदों आरो पुलिसनो गथाइदों



जून रबिबार सानखालि गामिनिनो
थागिरि कातिराम सुत्रथर (50)
मुनि लांसुनिया सुबुंआ सासे 11
बोसोर बैसोनि हिन्जावसाखौ
फुस्त्रायनानै खाथियावनो थानाय
हाग्रा सिडव लानानै सिगि-सग'
खालामनानै आथोनआरि उतखार
खालामो। लांसुनिया कातिराम
सुत्रथरआ हिन्जावसाखौ एरैबायदि
सिगिदोंमोन दि, बेखौ गिनानै
हिन्जावसाया बिमा-बिफानो
फोरमायथिनो हायाखेमोन। नाथाइ
मैया हिन्जावसानि थाबायनाय
रायज्जालानायाव सरसन्ता नडे
नुनो मोन्नायाव नख 'रजों लोगोसे
खाथिनि सुबुंफोर सन्देह' जानानै
(□ 4 बिलाइआव)

बड'सा थादें, बासुगाव 16
जून: चिरां जिल्लानि काजलगाव
थानानि डॉल पुलिस बादानि
सिडव सासे 11 बोसोर बैसोनि
हिन्जावसाखौ आथोनआरि उतखार
खालामनाय जाथाइ सोमजियो।
सासे 50 बोसोर बैसोनि गाञ्ज
गोसोनि सुबुंआ हिन्जावसाखौ
बुरखायनानै हाग्रा सिडव देहायारि
उतखार खालामनाय जाथाइ
सोमजिनायखौ दिनें मिबथिनो
मोन्नाय जायो। जाथाइनि सोमोन्दे
जायगानि सुबुंफोर खौरां बिजोंनो
फोरमायनाय बायदिल्ला थानाय 8
(□ 4 बिलाइआव)

31 बेटेलियन एसएसबिआ सप्ताहसे नाडै बैरमोदै फिसिनायनि मावबादा खुदों



तामुलपुर, 16 जून: तामुलपुर जिल्ला आसा
मावफारिया गौथुमआ दिनें आसा
मावफारियाफोरनि सायाव
जाबसिनानै होनाय गोबां
खामानिनिफ्राय रेहाय
होनाय, सम बायदियै थिसनजानाय
खामानिनि गोजाम
बिलफोरखौ दिहनुनानै हसनयजों
लोगोसे गोबांथार
दाबिखौ लानानै तामुलपुर जिल्ला
बैगिरिनि आखायाव
गांसे गोसोखालाइ गथायो। गोसो
खालाइ गथायनानै तामुलपुर जिल्ला
आसा मावफारिया गौथुमनि
(□ 4 बिलाइआव)

कक्राझार, 16 जून:
गसाइगावआव थानाय 31 बिएन
एसएसबिआ थानाय 9 जून 2025
निफ्राय 16 जून 2025 सिम
सप्ताहसे नाडै बैरमोदै
दोन्थुमनायनि मावबादाखौ दिनें
खुंफुंलाडो। बे मावबादानि
थांखिआ बैरमोदै फोरंथाइ होनानै
बेनि गेजेरजों एसएसबि
मावथिफोरनि गेजेरव गावनो-गाव
गसंथानो हानाय आरो रंग'थि
(□ 4 बिलाइआव)

बासुगाव नोगोर आफादनि लांगोनायाव गोदान स्टिलनि दास्टबिन्खौ गोबाय-गिजिनि महार होनो नाजानायनि अजद



बासुगाव, 16 जून: दिनें बासुगाव नोगोर
आफादनि लांगोनायाव गोबाय-
गिजि मुवा बेसाद फानायनि मुडव
गोदान जगायनाय स्टिलनि
दास्टबिन्खोरखो देफायनानै गोबाय-
गिजि मुवा बेसादनि महार होनो
नाजानो होन्ना 1 न वार्डनि राइजो-
राजाफोरआ खौरां बिजोंनि
मावफारियाफोरनो खौरां हरो।
खौरां मोन्नानै खौरांगिरिनि दोलोआ
बासुगाव नोगोर आफाद मावख'
नि लांगोनायाव नुजाथिहोनानै राइजो
फोरआ होनाय अजदआ सैथो होन्ना
फोरमान मोनो। (□ 6 बिलाइआव)

गोबांथार दाबिफोरखौ लानानै तामुलपुर आसा मावफारियाफोरा जिल्ला बैगिरिनि सिम गोसोखालाइ गथायदों



दैदेनिफिरफोरआ खौरां बिजोंनि
सिगाखव थानाय 20 बोसोरनिफ्रायनो
जों आसा मावफारिया महैर सार्थ
गैयाजासे सिबिथाइ होबोगासिनो दं
होन्ना दाबि देखाडो। नाथाय दिनें
सिमबो जॉनि सायाव गोबांथार
खामानिनि ब'जा जाबसिनानै होनायनि
अनगायैबो खामानिखो मावयैनि अजद होना
नै आसा मावफारियाफोरखौ
बिफाननि मावफारियाफोरआ
गुबुन-गुबुन रावजों (□ 6 बिलाइआव)

सुजुगिरिनि खोलोम

दाव-हांसो फिसिनानै रां खामायनो हायो, थानानै थानायनिबो राहा फैंयो

आबादयानो बर' फोरनि थाना थानायनि गिबि आरो गुदि फुखा। आबादिन अनगा सादा-बुसा मावदामब्लाग्रा गामियारि बर' फ्रा गुबुन माबा मोनसे मुलाम्फायारि गोनां खामानि दामानि मावनानै रांखास्थियारि बिथा फसंथानो आरो आबादखौनो गुबै राहा हिसाबै लायोब्लाबो गोनांखोयारि आदोबजों आवगायनो हाद्रायारखै। अब्लाबो बुनांगोन बर' फ्राबो आथिकालाव-फालांगिरि, मोजां आबादारी दसै। फालांगिरिफोरनि बाथ्राखौं राखाडबालानो मिथिंगायारि फुंखानिफ्राय मोन्नाय माखासे खालु आरो देहानि बोलो बाहायनानै मावसोमनायनि गेजेरजों गामियारि रांखास्थिखौबो गुस्तायनाय लाबोनो हासै। मुलाम्फायारि जानो राहा दसै। बेफोरनि गेजेरव ना आरो हांसो-दाव फिसिनायबो मोनसे। गुबैयै ना आरो हांसो-दाव फिसिनायनि मोजां समानो जादों दैज्जां बोथोर। दैज्जां बोथोर सौफैब्लानो गामि ओन्सोलनि गोबां हाखर-हाला, गरखाय-दंगप्र अखानि दैजों दानब्रे-दानबासिम आवु लोमनानै थायो। बेफोर एरैनो गोलैसोनानै थानाय हाखर-हालाफ्राव समबाय हिसाबै एबा गावयारि हिसाबै बोथोरावनो ना फिसिनो हागौ। ना-जों लोगोसे जावजा आबाद हिसाबै हांसो फालोबो फिसिनायनि राहा खालामनो हायोब्ला रांखास्थियारि फुंखाखौं एसे एनै बांहोनायनि मिजिं खालामनो हागौ। दैज्जां बोथोराव थि बेंखनथायनि गेजेरव दोन्नानै हांसो फिसिनो लायोब्ला दैयाव थालदानाय-साम'-खांझाइ, गुमा, बायदिसिना एम्फो-एनलाफोरखौनो गोजोम-गोजोम जानानै थानो मोजां मोनो हांसोया। जाउनाव गोबां आदारनि गोनांथि जाया। बिब्दिनो हाखर-हालानि फोसाबप्राडै-हाग्रा-बंग्रा, दाखोर-दालाफ्राबो ना फिसिनायव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगो जानानै फैंयो। मानो होनोब्ला बेफोराव नानि थाखाय गोबां आदार ज' जानानै थाखायो। बेखायनो बेफोरखौं सिगां नोजोर थिप्रोनानै मोजां आरो गोगो जोलैनि ना फुवान आरो हांसो जोलै ज' गायनानै फिसिनायनि बे गोलै राहाजों बाडाइ खरसा आरो बाडाइ समनि गेजेरावनो गरफा-गरनै खामायनायनि लामा ओंखारो। गोलै दिखुरा हांसो फिसानि थाखाय ना फिसिनाय बादिनो सोरगिदिं जेवरानि गेजेराव सम सम आरो बाइजोयावबो सम लानानै हगारलाय-थिसनलाय खालामना होनायनि राहा लायोब्ला गोखै देरनो बोलो मोनो। आथिकाल ना-बेदरनि साहिदा बांनाय आरो बारायगलावनाय बेसेनखौं नोजोर होनानै ना-हांसो फिसिनायजोंबो रांखास्थियारि बिथिडे गोखों जानो हायैनि बाथ्रा फैंयो। नाथाय बेफोर आबादजों गोबां मुलाम्फा जायै आ सैथो, नाथाय बेकारफोरनि थाखाय साखि-बाखि जासानिद आखायनि खरसा फैंनायाबो सैथो।

आथिखालाव रोजा-रोजा बेकारफोरखौं सरकारि मावफारिया थिसन्नानै जेंनाखौं सुफुंनंगौया गोब्राव होनानै नुहरखानाय। बे बिथिडे सरकारि मावफारियाखौल' नेनानै थास्तायसाय बाडाइ सम आरो एसेल' खरसाजों गोलै गोलै बिथांखि लानानै रां खामायनायनि राहा लानानै सरकारि अनसुंथाय मोन्नायनिबो सरकारि मावफारिया, बिबानगिरिफोरजों सोमोन्दो लाखिनाया गोनांसे।

दिनेनि फान्जामुधि

राशि बाइदियै मुनि गिबि हांखो

मेघः अ ल वृषः ऊ ब (उ ए इ) मिथुनः क छ (ड घ) कर्कटः ड ह सिंहः म ट कन्याः प ट (ण ष) तुलाः त र बृश्चिकः ब न धनुः ध भ (ढ़ फ) मकरः ख ज कुम्भः ग श (स) मीनः द च (ख ज झ)

- मेघः** मानिबा जाहोनाव दुखु-दाहा सैनांनो हागौ। गोजोन्नाय गैयैजों सम बारहोनांगोन। गोसोखौं हमथा।
- वृषः** जेखि जाया माबा मोनसे ख'हा जानो हागौ। गोसोखौं शान्ति मोन्नाय नडा।
- मिथुनः** बेफार-फालांगि मावयोब्ला मुलाम्फा मोनो हागोन। दिनेनि सानआ मोजां।
- कर्कटः** बेफार-फालांगि मावनायाव मुलाम्फा मोनो हागोन। दिनेनि सानआ मोजां।
- सिंहः** गावनि आंगो लोगोया गोमानो हागौ। गोसोखौं शान्ति गैयै मोनगोन। लोरबां दाजा।
- कन्याः** फारफ्रोमथिबो मोजां। जैरेबो गोहो-बोलोखौं मोनो हागोन।
- तुलाः** नख'र संसार जानायाव दावराव-दावसि सोमजिनो हागौ।
- बृश्चिकः** जेखियानो खामानि मावा जेंना नुजाथिनो हागौ। गोसोखौं शान्ति मोन्नाय नडा।
- धनुः** देहायाव जालु-जाना जानाया जोबनाय नडा। महर मुखिया गोमालानो हागौ।
- मकरः** माबा मोनसे गोदान खामानिफोर मावनायाव मुलाम्फा मोनो हागौ। मोजां सान।
- कुम्भः** सुथुर जानानै थानायफोरा जोबसालांगोन। गोजोनै थानो हागोन। मोजां सान।
- मीनः** माबाफोर बायदिसिना फिसा फिजौं जेंनाफोर सोमजिनो हागौ। धैयु हमनाया मोजां।

मुम्बाइनि एयारपर्टआव डिआरआइआ एयार इन्डियानि सासे कु मेम्बारखौ बैखनाव लादो

गोदान दिल्ली, 16 जुनः मुम्बाइनि एयारपर्टआव डिआरआइआ मोनसे गोथौ नायबिजिरनानै एयार इन्डियानि सासे हौवा कु मेम्बारखौ सनानि स्मग्लिं खालामनाय दायआव हमदों। बे कु मेम्बारआ निउर्यकनिफ्राय फैंनाय फ्लाइट एआइ-116 जों 13 जुनआव मुम्बाइआव फैदोंमोन। नाथाय जागायजेन्नाय नायबिजिरनायाव जेबो मोनाखै। सोंथि खालामनाय समाव बियो मिबथि होयोदि, गाव मोनसे पाउच बेकआव गुबुन हादरनि सनानि इनगटफोरखौ गोसोम टैपआव जुनानै एयारपर्टनि बेजो



साभिष एरियाआव एनालाइजर टेरुट जाबाय दोनखुमादोंमोन। कु मेम्बारआ थदोंमोन। बेनि उनाव डिआरआइ बिबानगिरिफोरा बै जायगाखौ नायबिजिरो जायनि सोमोन्दै कु

जायनिफ्राय पाउचखौ बोखानाय स्टाफखौ स्मग्लिं खालामनायनि थाखाय थिसनदोंमोन। सोंथि खालामनायाव बियो गनायोदि, गोबां खेब एयारलाइन स्टाफनि मदतजों सनानि स्मग्लिं खालाम होदों। ग्रेप्टार खालामनाय सानै दायनिगिरिआ बेखौबो गनायथिदोंदि, बियो सिगाडवबो गोबां खेब सनानि स्मग्लिं खालामखांबाय। डिआरआइ बिबानगिरिफोरा नायबिजिरनायनि उनाव सनानि स्मग्लिं रेके टनि मास्टारमाइन्डखौबो ग्रेप्टार खालामदों, जाय एयार लाइन

जौनपुरआव लुथिनाय जाथायखौ मोगथां महर होग्रा सा 6 दुथांफोरखौ पुलिसआ ग्रेप्टार खालामबाय

जौनपुर, 16 जुन : शाहगन्ज एबा खुटहन पुलिसनि जुथाइ हान्जाया रबिबार हर गेजेराव पिएन्बि कास्ट'मार साभिष सेन्टारव लुथिनायनि जाथायखौ मोगथां महर होनाय सा 6 दुथांफोरखौ पुलिसआ ग्रेप्टार खालामबाय। गावलायनाय समाव सा 2 दुथांफोरनि आइथिंआव गुलि नादों। दुथांफोरनिफ्राय गंत्रे पिस्टल कारतु एबा खावनाय लेपटपजों लोगोसे जाथायआव बाहायनाय गारिखौ बोखानो हादों। 6 जुनखालि निजामपुर ओन्सोलनि बाजारआव थानाय पान्जाव नेशनेल बेंकनि कास्ट'मार साभिष सेन्टारव खावसे दर्जननि अन्जिमायाव कारजों सौहैनाय दुथांफोरा मिरुनि सालायगिरि एबा अपारेटर महम्मद सरुदनिफ्राय केस काउन्टरव दोन्नाय नोगोद रंखौ



लुथिनो थाखाय दुथांफोरा मिरु सालायगिरिखौ सिगि-सग' खालामनो नाजादोंमोन नाथाय बिथाड बिसेर दुथांफोरजों दावराव जानो हमदोंमोन। नरा-नाथा जानाय समाव गुलि गावनायआ अपारेटरनि आइथिंआव नादों, बे समनिफ्रायनो पुलिसआ दुथांफोरखौ सिप्रोमनायाव नांथाबनानै दंमोन। रबिबार मोनानि 1 रिंगासोआव शाहगन्ज एबा खुटहननि जुथाइ

हान्जाया लामायाव थानाय नाथर पेट्रल पाम्पनि खाथियाव दुथांफोरखौ बेंखनदों। पुलिस आरो दुथांफोरनि गेजेराव जानाय गावलायनायाव आजमगडुनि मिलौलि तहबरपुरनि थागिबि रबिन कुमार एबा आजम गडुनिनो मिरपुर थागिबि रजमनखौ आथिंआव गुलि नांजानायनि उनाव ग्रेप्टार खालामो। गुबुन सा 4 दुथांफोर शिवा सिंह, शिभम सिंह रिंकु एबा प्रिन्स एबा रजनखौबो ग्रेप्टार खालामनाय जादों।

मनिपुरआव सा 5 बिग्रायारिफोरखौ ग्रेप्टार खालामदों

इम्फल, 16 जुनः मिरुआरि रैखाथि हान्जा आरो नोगोरारि पुलिसआ रबिबारखालि गुबुन-गुबुन आन्डार ग्राउन्ड आफादफोरनि सा 5 उतखारिफोरखौ ग्रेप्टार खालामदों आरो गुबुन गुबुन अपारेसनफोराव हाथियार, गुलि-बारुद, इलेक्ट्रिक जोन्थोर आरो भारतीय-म्यानमरनि गुन्नासाफोर बोखानो हादों। कलेज यल काना लुप (के वाइके एल)नि सा 2 मावफारिया आरो होबथा जानाय कालेइपाक कम्पुनिस्ट पार्टी (केसिपि)नि सासे सोद्रोमा कमजं जिल्लानि कासम खुलेन

पुलिस थानानि सिडव थानाय तोरेट दैमानि ओन्सोलनिफ्राय ग्रेप्टार खालामनाय जादों। बिसेरखौं खुगइ थंम लेइकाइ, सान्जा इम्फल जिल्लानिफ्राय बिद्वानन्द शिजगरुमयम (25), मडरै थान्नापकिय, बिश्वनपुर जिल्लानिफ्राय टंसा मडरैथम (27), भांजि लमदिं बाजार, थौबाल जिल्लानिफ्राय मख'जाथाव बेसादफोर बोखानो हादों। जेरै-गंसे 7.65 मिमि फिस्टलजों लोगोसे थरनै गोथां राउन्ड, गंसे .22 फिस्टल, मोन 27 डेटनेटर, गंनै मबाइल फन आरो 1,840 नोगोद रां।



बिसोरखौ सोंथि खालामनानै जुथाय हान्जाया मोनसे अपारेसन खालामदों, जायनि फोरमान महरै थौबाल जिल्लानि नंगपक सेकमाइ-पिएसनि शिखन्ना शेमाइ बाजारनिफ्राय केसिपिनि सा 22 सांग्रां मावसुमाफोरनि ग्रेप्टार जादों। ग्रेप्टार खालामनाय

अमिताभ कान्तआ जि-20 शेरपानि मासिखौ एंगलायबाय



गोदान दिल्ली, 16 जुनः केरेला केडरनि आजिर लानाय 1980 बेचनि आरएएस बिबानगिरि अमिताभ कान्तआ समबारखालि जि-20 शेरपानि मासिनिफ्राय बिबान एंगलायनो फासावयो। बिबानगिरि कान्तखौ भारतनि गेजेरजों जि-20 प्रेसिडेन्सि सामलायनायनि माखासे दान सिगां 2022 नि जुलाइ दानआव भारतनि जि-20 शेरपा महरै थिसनदोंमोन। बिथाड बुडोदि, भारतनि जि-20 शेरपा महरै गोबां सावरायनायखौ दैदेन्नाया बिथानि केरियारआव बयनिखुइ मख'जाथाव माइल-खुन्थियाफोरनि गेजेराव मोनसे जादों। बिथाड 45 बोसेरनि सरकारि सिबिथायनि समाव बिबान सामलायो। भारतआ दरफोम राइज्यो आरो मिरुजों खुंजानाय राइज्योआव जि-20 मिटिं खुडो, जाय शहरफोरखौ समयनायै आपग्रेड खालामनाय, जायगायारि महरगिरि आरो शिल्पफोरखौ

Name Correction

That, my actual/correct name is PAKHI RANI NATH which is recorded in my all relevant documents.

That, in the land document, land measuring 00B-01K-04Ls, covered by Dag No. 2275 of Patta No. 3776, which is situated at Kokrajhar Town under Kokrajhar Revenue Circle, Dist- Kokrajhar, BTR, Assam, wherein my name has been recorded as PAKHI RANI DEVI instead of PAKI RANI NATH.

That, I do hereby declare that PAKHI RANI NATH and PAKI RANI DEVI is the same and one identical person i.e. myself.

Pakhi Rani Nath
W/O.- Late Santosh Kumar Nath
Kokrajhar, W/No. 10
P.O., P.S. & Dist. Kokrajhar BTR
Assam
PIN-783370

Name Correction

That my actual/correct name is PAKHI RANI NATH which is recorded in my all relevant documents.

That, in the land document, land measuring 00B-00K-13Ls, covered by Dag No. 92/84/148 of Patta No. 5/43, which is situated at Kokrajhar Gaon under Kokrajhar Revenue Circle, Dist- Kokrajhar, BTR, Assam, wherein my name has been recorded as Pakhi Rani Debi instead of PAKHI RANI NATH.

That, I do hereby declare that PAKHI RANI NATH and PAKHI RANI DEBI is the same and one identical person i.e. myself.

Pakhi Rani Nath
W/O.- Late Santosh Kumar Nath
Kokrajhar, W/No. 10
P.O., P.S. & Dist. Kokrajhar BTR
Assam
PIN-783370

Name Correction

That, my actual/correct name is PAKHI RANI NATH which is recorded in my all relevant documents.

That, in the land document, land measuring 00B-00K-08Ls, covered by Dag No. 93/84/149 of Patta No. 43/47, which is situated at Kokrajhar Gaon under Kokrajhar Revenue Circle, Dist- Kokrajhar, BTR, Assam, wherein my name has been recorded as PAKHI RANI DEBI instead of PAKHI RANI NATH.

That, I do hereby declare that PAKHI RANI NATH and PAKHI RANI DEBI is the same Gand one identical person i.e. myself.

Pakhi Rani Nath
W/O.- Late Santosh Kumar Nath
Kokrajhar, W/No. 10
P.O., P.S. & Dist. Kokrajhar BTR
Assam
PIN-783370

डिगबै हाग्रा बिफाननि बिबानगिरिफोरा 1.8 किल 'ग्राम लिस्थाइनि गोमानाय मैदेर हाथाइखौ बोखांदों



डिगबै, 16 जुन : हाग्रा बिफानआ आसामनि तिनसुकिया जिल्लानि डिगबैनि सिडव थानाय लखिपाथराव समबारखालि फुडाव मोनसे गोखों अपारेशननि समाव 1.8 किल 'ग्राम लिस्थाइनि 1.6 गोलाव गोमानाय मैदेर हाथाइखौ बोखांनयजों लोगोसे मोनसे मख'जाथाव जाफुंसारनाय मोनो हायो। 19 साननि नागिरनाय हाबाफारियाव नांथाबनाय बिबानगिरिफोरनि बायदिब्ला, गोजौ ममरानी गामिनि सिगांनिफ्राय ग्रेप्टार

खालामनाय दायनिगिरि नितल मराननि न'निफ्राय मैदेर हाथाइखौ बोखांदोंमोन। मोनसे चाहा बागानाव कारेन्ट नांनयजों मासे हाग्रानि मैदेरनि मैहुर जानाय बाथ्राया 30 मेयाव सोरांआव फैदोंमोन। बेनि उनाव सन्देह' आरो माखासे फोथाइजाथाव फोरमाननि सायाव बिथा खालामनानै बागाननि बिगोमाखौ ग्रेप्टार खालामो। आथिखालाव जेरा सेबनाय समाव हास'नाय मैदेर हाथाइनि सोमोन्दै जेबो मख'जाथाव खौरां मोन्नाय जायाखै, जायजों हाग्रा बिफाननि थाखाय खावनाय हाग्राणि जुनातनि सम्पतिनि सोमोन्दै खौरां नागिरनाय आरो जब्द' खालामनाय मोनसे गिदिर सेलेन्स जायो। बे सेलेन्सनि गेजेरजों बिथि सन्दीप, आइएफएसनि डिएफअया सिखाव खावनाय सरकारि सम्पतिखौ लानाय आरो मैहुर खालामनायनि हेंथायै ह्यार नेम-खाथिजों सोमोन्दो गोनां आर्टिकेलफोरनि गेजेरजों नायबिजिरनो खोथा होयो, जाय 1 सप्ताह सिगांसो मासि आजावदोंमोन। मख'नो गोनांदि, बिबानगिरिफोरा सिगाडवबो दायनिगिरिफोरनि हेंथायै हाग्राणि जिब सरेखाथि नेम खाथि 1972 नि आरटिकेल 9,39,40,49 नि, 51 आरो 55 नि गेजेरजों केस थिसनो।

गाहाड़ मन्थि मदिआ साइप्रासआव भारतनि गोहोखौ फोरमायदों

साइप्रास, 16 जून: भारतनि गाहाड़ मन्थि नरेन्द्र मदिआ थांनाय रबिबारखालि साइप्रासनि राजथावनि निकसियाआव इन्डिया-साइप्रास सिइअ फरामआव बाहागो लायो। बे दावबायनाया 20 बोसोरनि गेजेरव सासे भारतयारि गाहाड़ मन्थिनि गिबि मावख'यारि दावबायनाय। गाहाड़ मन्थि मदिआ बे समाव भारतनि रांखांनिथ जौगाखां, डिजिटेल क्रान्ति सोमावसारनाय आरो साइप्रासजों लोगोसे हेफाजाबखौ गोखोंसिन खालामनाय बिथिडव माखासे मख'जाथाव बाथ्राफोर शेयार खालामो। गाहाड़ मन्थि मदिआ बुंनय बादिब्ला, भारत आरो साइप्रासनि गेजेरव 150 मिलियन डलारनि फालांगि सोलिगासिनो दड। नाथाय नंगुबै गोहोआ बेनिखुइ बांसिन। बिथाडा



साइप्रासखौ भारतनि हादर जानायनि फासैं आवगायगसिनो। फ्रान्स बादि हादरफोरजों जों सरजाबबाय आरो आथिखालाव साइप्रासजोंबे इउपिआइखौ सरजाबनायनि बाथ्रा बुंगासिनो। बिथाडा फोरमायबावदोंदि, भारतआ बोसोरफोरमबो 100 आरब डलारनिखुइ बांसिनै इनफ्रास्ट्रक्सार बिथिडाव इन्धेस्ट्रेमन्ट खालामगासिनो। बे बोसोरनि बाजेटआव गोदान मेनुफे कसारि मिसन जागायदों।

राजौरि जिल्लानि केरि सेक्टरआव सान्थिफोरनि नायबिजिरनाय अपारेशन सालायदों

राजौरि, 16 जून: राजौरि जिल्लानि केरि सेक्टरनि जौगाखां ओन्सोल बारात गलायाव शनिबार मोनायाव सा 3-4 उतखारिफोरनि दोलोआ भारतीय ओन्सोलाव हाबफेनो नाजादों मोन, जायखौ सिमनायाव सांग्रां जवानफोर फेलें खालामदों आरो बे नाजानाया अपारेशन सिन्दुरनि उनाव नाजानाय। जायजों बे बाथ्राया रोखा जायोदि, पाकिस्तानआव दासिमबो उतखारिनि फेक्ट्रिफोरा सोलिगासिनो दं। थांनाय मोनायाव एलअसियाव सांग्रां सान्थिनि जवानफोरा नुनो मोन्दोंदि, सा 3-4 उतखारिफोरा एलअसिखौ बारनो नाजादों। बे समावनो जवानफोरा सांग्रां जादों आरो गावसिनि बिबानखौ सामलायदों। सान्थिनि



जवानफोरा उतखारिफोरखौ बेंखनो आरो बे समावनो उतखारिफोरा सान्थिनि जवानफोरनि सायाव गुलि गावलुं हरनो जागायो। बे समावनो भारतीय सान्थिनि

जवानफोराबो फिन्नाय होनो जागायो आरो माखासे घन्टसिम उतखारिफोर एबा सान्थिनि जवानफोरनि गेजेरव गुलि गावलायनाया सोलिबाय थायो। बेनि उनाव उतखारिफोरा फिन

खारलांफिन्नायाव जाफुंसार जायो। बेनि उननिफ्रायनो भारतीय सान्थिनि जवानफोरा गासैं ओनसोलखौ बेंखनानै गावसिनि सिग्रोमनाय अपारेशनखौ जागायो। बे

अपारेशननि गेजेरजों सान्थिफोरा दासिमबो जेबो रोखोमनि जाफुंसार जानो हायाखै। मख'नो गोनादि, पेहेलगामआव जानाय उतखारि गावलोबनायनि उनाव भारतीय सान्थिना 7 मेखालि मोनायाव अपारेशन सिन्दुरखौ सोलिहोनानै जम्मु-काश्मीर एबा पाकिस्तानाव सोलिबाय थांनाय माखासे उतखारि बादाफोरखौ सिलिंखार खालामदोंमोन आरो बे अपारेशनआव माखासे उतखारिफोराबो जिउ गोमादों, नाथाय बेनि उनाव उतखारिफोरा हाबफेखुमानो नागिरनाया बेयो गिबि खेब।

मनिपुरआव बन्दनि समाव पुलिसनि सायाव गाग्लोबनायनि थाखाय सानै सुबुंफोरखौ ग्रेप्टार खालामदों।

इम्फल, 16 जून: मनिपुर पुलिसआ थांनाय रबिबार खालि सानै उन्दै गथ'फोरखौ ग्रेप्टार खालामो, जायफोरखौ अरमबाइ तेंगलनि सोद्रोमा होन्ना फोरमायनाय जादों। बेयो मोनसे मेतेइ हारिमायारि आफाद। सासे गागि पुलिस बिबानगिरि आरो सासे पुलिस मावसुमानि सायाव गाग्लोबनाय केसखौ बिश्वनपुर जिल्लानि नाम्बल थंखा ओन्सोलाव धर्ना होग्राफोरनि गेजेरजों खालामदोंमोन। मनिपुर पुलिसनि रिपर्टनि बायदिब्ला, बिश्वनपुर जिल्लानि एनगंगम नांथइ (18) आरो नाम्बल मखा (18)खौ विसोरनि न'निफ्राय दिखानाय जायो। विसोरखौ बै गाग्लोबनाय केसआव ग्रेप्टार खालामो, जेशव सासे गागि पुलिस बिबानगिरि आरो पुलिस मावसुमाया गोब्राबै जोखोम जादोंमोन। बे समाव विसोर थांनाय 9 जूनआव



नाम्बल बाजारनि सिडव थाया नम्बल-पिएस, बिश्वनपुर जिल्लाआव अराबाइ टेंगल (एटि)नि गेजेरजों फोसावनाय बन्दखौ मदत खालामनो थाखाय ओंखारनाय मोनसे हिंसायारि हान्खाखौ कन्ट्रल खालामगासिनो दंमोन। ग्रेप्टार खालामजानाय सुबुंफोरा एटिनि सोद्रोमा। बिश्वनपुर पुलिसआ एफआइआर नं 39 (6) 2025 एनबिएल-पिएसनि गेजेरजों गावनो केस

थिसनो, जेराव बिएनएसनि माखासे आर्टिके लफोरखौ मख'नाय जायो, जेशव आर्टिके ल 189 (5), 191 (1), 190, 195 (1), 223 (क), 109 (1), 118 (1) आरो 351 (2) आ दंफायो, जाय आथिखालाव हेंथा, सुबुं सिबियारिफोरनि सायाव गाग्लोबनाय, आइन बैरेखा सभा आरो गोब्राबै जोखोम खालामनो नाजानायजों सोमोन्दो दड।

एएसपि आरो बिनि इस्कर्ट टीमनि सासे सोद्रोमानि सायाव बिश्वनपुर जिल्लानि नाम्बल थंखा ओन्सोलआव धर्ना होग्राफोरनि गेजेरजों गाग्लोबनायाव जोखोम जायो। बे जाथाया फुनि 11:20 सिगानि खाथि-खालायाव जायो, जेब्ला हायेनि सायाव बिथा खालामग्रा आफाद अरामबाइ टैलनि गेजेरजों राइज्यो नडै बन्द फोसावदोंमोन।

मेघालय सरकारआ भारतआव गावआरि गरिफोरखौ फालांगि महरै बायनायनि सायाव होबथानाय जाबसिन्दों

गुवाहाटी, 16 जून: मेघालय हान्था-मेला बिफानआ फालांगि थांखिफोरनि थाखाय गावआरि साखा खबनै आरो साखा खबनै गरिफोरखौ भारा होनायनि हेंथायै गोखोडे सांग्रांथि फोसावदों। खुंथाया बे थांखिखौ बै समाव लायो जेब्ला इन्दरनि थागिबि राजा रघुवन्सीखौ बुथारनाय केसखौ पुलिस नायबिजिरनायाव मिथिनो मोनोदि, राजानि बिसि सनम रघुवन्सी आरो सा 3 जिउ फोजोबग्राफोर सहस्र थानो थाखाय



शिलडव साखा खबनै गरिफोरखौ भारा लादोंमोन। अदेबानि बिसोर गोब्राबै दायनिगिरि हाबा मावनो थाखाय बे गरिफोरखौ बाहायदों। हान्था

मेला कमिसनार डेभिड डि. सांमाआ 13 जूनआव फोसावनाय खौराडाव थागिबिफोरनो खौरं होयोदि, राइज्योआव गावआरि गरिफोरखौ भारा होनाया आयेन बेरेखा। बिथाडा रोखा खालामोदि, मेघालयआ दासिमाव जेबो मावख'आरि बाइक एबा केबखौ भारा होनायनि बिथांथि जागायाखै। बेनि ओंथिया बेनोदि, रवबो

सुबुं आरो आफादआ बेबादि सिबिथाइ सालायनो थाखाय आयेनारि गनायथि लायाखै। बे समाव सांमाआ गरि नेमखाथि 1988 खौबो मख'यो, जेराव फोरमायनाय जायोदि, 66 आजिरा लानाय गरिफोरखौ फालांगियारि हान्था मेलानि थाखाय आयेनारि पारमित गैया जासे बाहायनायखौ होबथायो। बेरा फासैं आरटिके ल 192 ए आ बेबादि हाबाफारिफोरखौ जुरिमाना एबा जोबथेसालिनि गेजेरजों दाय दोनां खालामो। बेनि अनगायै आरटिके ल 207 नि गेजेरजों बिबानगिरिफोरनाव आयेनखौ सिफायग्रा गरिफोरखौ जब्द खालामनायनिबो मोन्थाइ दड।

अमृतसरआव गुलि गावग्लुंनानै गंसे ट्राकखौ सिनाय मोनै दुथांफोरा लानानै खारलादों

अमृतसर, 16 जून: जन्डियाला गुरु थानानि सिडव थांनाय जिटि रडआव सासे ट्राक सालायगिरिजों गिबियाव बुलायो आरो उनाव बिनि सायाव फायरि खालामो। ट्राक सालायगिरिआ खाबु लाना खारनानै गावखौ रैखा खालामो



आरो दायनिगिरिआ ट्राकखौ लानानै खारलाडो। एएसआइ तेजिन्दर सिंआ मिबथि होयोदि, दायनिगिरिखौ मिबथिनो थाखाय सिंसिटिफु फुटेज

नायगिरनाया सोलिगासिनो दड। अदेबानि सा 4 सिनाय मोनै लुटिग्राफोरनि हेंथायै केस थिसन्नाय जाबाय। रजस्ताननि बिकानेर जिल्लायाव थांनाय नभा गामिनि थागिबि पुनमा रामआ जन्डियाला गुरु थानानि पुलिसनो केस थिसन्नायाव मिबथि होयोदि, बियो बिकानेरआव ट्राक सालायो। शुक्र बार मोनायाव बियो ट्राकआव कयला लानानै बेवहाय जन्डियाला गुरुनि खाथि मोनसे फेक्ट्रिआव सौहेदोंमोन। बेवहाय कयला बोख्ताय खानायनि उनाव ट्राक लानानै न'आव फे फिनगासिनो दंमोन। लामायाव पुलिसनि चेकिं सोलिदोंमोन। बेवनो बियो ट्राकखौ लाखियो आरो गावनि हेफाजाबगिरिजों लोगोसे ट्राकखौ पार्क खालामनानै दै बथल बायनो थाखाय गाहायाव ओंखारदोंमोन। दै बथल

बायखानायनि दसे उनाव जेब्ला बियो ट्राकआव गाखोय अब्ला नुयोदि, सा 4 मोखां फांथेनाय सुबुंफोरा ट्राकनि सिडव जर-जबस्टियै हाबदों। बुथारनो हुमखि होनानै दायनिगिरिफोरा बिनि खोमा खाथियाव फिस्टल थांखिनानै ट्राकखौ सालायनो थिनो। बियो ट्राकखौ स्टार्ट खालामो आरो दायनिगिरिफोर थिन्नाय बादिदियै खावसे किलमिटरसिम आवगायलाडो। बेनि उनाव सा 4 दायनिगिरिफोरा ट्राकखौ लाखिनो थिनो। जैरो ट्राकखौ लाखियो बिसोरो हेफाजाबगिरिखौ जोख्लाय हलानै गाहायाव खोखलैहरो आरो लुथिग्राफोर बिखौ बुनो ह्मो। जेब्ला बियो जाहोनखौ सोडो ब्ला दायनिगिरिफोरा ट्राकनि दर्जाखौ खेवो आरो बिनि सायाव गुलि गावयो। भुगिनांग्राया मिबथिहोयोदि, बेनि उनाव बिसोरो ट्राकखौ लानानै खारलाडो।

भुवनेश्वरनि आगुनि गिबि मन्थिनि नख'रा जाब्रबथायनिफ्राय रैखा मोनो

भुवनेश्वर, 16 जून: उरिथ्यान आगुनि गिबि मन्थि हेमानन्द विश्वालनि बिसि उर्मिला विश्वाल (76) आरो फिसाजो अनिता निश्वाल (38)आ मोनसे लामा जाब्रबथायाव गोब्राबै जोखोम जायो। थांनाय रबिबार बेलासियाव अनुगुल जिल्लानि किशनगर प्रखन्ड हेंडपा थानानि खाथि 55 नाम्बार माहारियारि राजा लामायाव बे जाब्रबथाया जायो। बे जाब्रबथायाव जोखोम जानाय बिमा आरो फिसाजो सानैखौबो अनुगुल जिल्ला गाहाइ देहा फाहामसालियाव थिसनो। बेराफारसे बे जाब्रबायाव आगुनि एमएलए अमर शतपथी आरो प्रभात त्रिपाठीआबो खुनुखुमै रैखा मोनो। खौरनि बायदिब्ला, सम्बलपुरनि फारसेनिफ्राय अनुगुल



फारसे माहारियारि राजा लामाजों आगुनि एमएलए अमर शतपथी आरो प्रभात त्रिपाठीआ गंसे कारजों फेगासिनो दंमोन। हेडपा बाजार बारनाय समाव बिसोरनि गरिखौ उनथिंजायनिफ्राय गुबुन गंसे गरिया सौफेयो, जेशव आगुनि गिबि मन्थि हेमानन्द विश्वालनि नख'रनि सोद्रोमाया जिरायदोंमोन। बे जाब्रबथायाव हेमानन्द विश्वालनि बिसि उर्मिला विश्वालनि खर'आ जियो आरो बिखा आरो सिनसियाव जोखोम जायो। गरियाव हेमानन्दनि फिसोबो दंमोन। नाथाय बियो जेबो गोब्राबै जोखोम जायाखै। पुलिसा बिसोर गासैंखौबो रैखा खालामनानै अनुगुल जिल्ला गाहाइ देहा फाहामसालियाव थिसनो। गासैं जोखोम जानायफोरनि थासारिया आथिखालाव गाहामैनो दं आरो बिसोरखौ गुदि फाहामथाइ होनायनि उनाव एससिबि मेडिके ल देहा फाहामसालियाव ट्रांसफार खालामना होनाय जायो होना देहा फाहामसालिनि सिडिपमअ गैरीशंकर बलआ बुंदों।

SEARCH FOR MISSING

General public is hereby informed that a boy original name: unknown, original address: unknown, aged around 15 years, height: 5 ft. having brown skin complexion with speech and language disability, ran away from the Fit Facility, Gwjwn Children Home situated at vill: Choto Molandubi, PO: Rainadabri, PS & Dist: Kokrajhar on 11/06/2025 at around 2.00 am.



Original Name: Unknown, Original Address: Unknown Disability Type: Speech and language disability, Height 5 Ft. Complexion: Brown normal skin, Age: Around 15 Years If anyone has any information regarding this missing boy, kindly inform to the following: District Child Protection Unit, Kokrajhar, Court Para W/No-10, Court Campus, Kokrajhar - 783370. Email: probationofficer.kokrajhar@gmail.com Contact No: 8876373459/8638837416

DIPR ID/BSA/73/17-Jun-25

No. B/HFD.134/DEV/Nijwmpur Road/2025-26/1063-69 Dated Kokrajhar the 16/06/2025

Tender No. 101 of 2025-26 PRESS NOTICE

The Divisional Forest Officer, Haitugaon Division, Kokrajhar on behalf of Governor of Assam invites bids from approved and eligible Contractors registered with Public Works Department (Roads), Assam/Contractors registered with Bodoland Territorial Council in the category of Class-I (A, B & C) and Class-II for the 1 (One) No. of schemes/works for bids amounting to Rs. 40,00,000.00 (approx) (Rupees Forty Lakhs) only.

The details may be seen at the website <http://assamtenders.gov.in> and also in the Office of the undersigned during Office hours.

Sd/-Divisional Forest Officer
Haltugaon Division, Kokrajhar.

IPR(BTC)/C/2025-26/879

No.KED/NIT-66/2024-25/4018,

Dtd.13/06/2025

DETAILS TENDER NOTICE

Scaled tender in prescribed form affixing non-refundable court fee stamp of Rs. 5.25 (Rupees Eight & paise twenty file) only subsequently to be drawn up in printed "F-2" form with validity period of "90 (Ninety)" days from the date of receipt of tenders are invited from the Registered Class I (A,B,C) & Class-II P.W.D. Electrical Contractor under P.W.D, Guwahati Electrical Circle, Guwahati-I and the Registered Class III P.W.D. Kokrajhar Electrical Division of 2024-25 and having valid Electrical Contractor licence for the following electrical works and will be received in the Office of the undersigned up to 2.00 P.M of 19/06/2025 and will be opened at 3.00 P.M. of the same date. The Contractors or their authorized agents may be present at the time of opening tender.

Sl. No.	Name or Work	Approx Estimated Value	Time of Completion	Earnest Money
1	Construction of 11 KV combine CT/PT set for existing 100 KVA Sub-station including load security to provide separate energy meter to the Chief Judicial Magistrate Court building, Kokrajhar.	Rs.8,08,564.00	30 (Thirty) Days	General 2% (Two) P.C. of Tender value (1% of Tender value in case of OBC/SC/ST)
2	Providing and installation of 15 KVA single phase DG set to the CJM & 2 unit Judicial Magistrate quarter at Kokrajhar.	Rs.7,75,993.00		
3	Supplying and installation of 100 KVA Transformer Sub-station. U.G. cable, load security etc. at newly created District & Sessions Judge Court (5 Nos. Courts) at Fekamari in South Salmara-Mankachar District.	Rs.13,55,140.00	60 (Sixty) Days	

Tender forms can be had from the Office of the undersigned and Executive Engineer, P.W.D. Kokrajhar Electrical Division, Kokrajhar during working hours and up to 2.00 P.M. 18/06/2025 on application mentioned registration No. etc. on payment of Rs. 500.00 (Rupees Five hundred) only per set by Indian crossed postal order payable to the Executive Engineer, P.W.D. Kokrajhar Electrical Division, Kokrajhar.

Sd/-
Executive Engineer, P.W.D.
Kokrajhar Electrical Division, Kokrajhar

IPR(BTC)/C/2025-26/885

बिधान सभानि बंथिगिरि बिस्वजित दैमारिआ ननै दैमानि खुरखानायखौ होबथानो राहा खालामदों

उदालगुरि, 16 जून : दैज्लां फैनय लोगो-लोगोनो दैमाफोरनि हब्रां गिसिखानाया गिखंथाव महर लादों उदालगुरिनि भारत-भुटान सिमना ओन्सोलफोरआव। जर 'खायै भुटान हाजोनिफ्राय बोहैबोनाय गोखों गोखैथिनि ननै दैमाआ गोबां गामिफोरखौनो खहा खालामो। जिल्लानि गरुबाझार, सेगुनवारि, बामुनजुलि, कालिखला बायदि ओन्सोलनि रोजा-रोजा बिधा आबाद मावग्रा हाफोरआ दैमानि बिखायाव गोमाहैनायजों लोगोसे गोबां सुबुंफोरआनो न' गोमाजानानै आलाय-सिलाय जानांदों। सोलायनायनि स्ल'गानजों गोबां सरकारआ फेदोब्लाबो दै सेरनि राइजो जाग्रा राइजो-राजाफोरनि मेगनि मोदैआ गगानो रोडाखैसै। जोबथारनायाव दै सेरनि हलाय-हाफाय जानांनय दुखुथिया राइजो-राजाफोरनि खाथिआव बिधान सभानि गाहाइ बुंथिगिरि बिस्वजित दैमारिजों लोगोसे बिजेपि दैदेनगिरि बिजय



भैस्यआबो नुजाथिनो हानायखौ नुनो मोन्दों। 2 नं निज गुरुबाझारनि मौलबी सुबाआव ओन्सोलनि एमएलए एबा बिधान सभानि गाहाइ बुंथिगिरिआ बिस्वजित दैमारिआ हब्रां खुरखानायखौ होबथानो थाखाय राहा खालानाय पार्कुपाइन राहाखौ नायगिदिहैयो। गोखों गोखैथिजों पार्कुपाइन लुफुनायखौ फोजोबनानै खुरखानायनिफ्राय गामियारिफोरखौ रेखाथि होनायनि

थाखाय बिजय भैस्य मुनि बिजेपि दैदेनगिरिआ जोबोत सांग्राइ मख'जाथाव बिबां लानानै खामानि मावनो आगान सुरनायखौ नुनो मोन्दों। ओन्सोलनि राइजोफोरखौ लोगोसे लाफानानै खुरखानाय ओन्सोलखौ नायगिदिनानै दैदेनगिरिया खामानि सोमोन्दै खौरं लायो। बिधान सभानि बुंथिगिरि बिस्वजित दैमारिनि एमएलए फान्डजों लुफुंजानाय गासै 1 किल'मिटर लावथाइनि पार्कुपाइन राहाया खुरखानायखौ होबथानायव हेफाजाव

खालामगोन होन्ना बिजेपि दैदेनगिरिआ मिजिंथिनायखौ फोरमायदों। फैबाय थानाय समआव बे राहाखौ फेहेरबावनाय जागोन होन्ना बुंथिगिरिजों सावययबावगोन होन्ना बिजेपि दैदेनगिरिआ खोथा होदों। गोबाव साननि उनाव ओन्सोलनि खुरखानायखौ होबथानो थाखाय सिगांबोनाय ओन्सोलनि एमएलए एबा बिधान सभानि बुंथिगिरि बिस्वजित दैमारि आरो बिजेपि दैदेनगिरि बिजय भैस्यखौ ओन्सोलनि राइजो-राजाफोरआ होबथानायव हेफाजाव

(□ 1 बिलाड़निफ्राय)

31 बेटेलियन एसएसबिआ सप्ताहसे नाडै बेरेमोदै फिसिनायनि मावबादा खुदों

जौगाहोनायखौ बांहोनाय। बेनि गेजेरजों जाफुंसारनो हायोब्ला अरायथा जिउ राहा आरो आबहावा रेखाथि लाखिनायाव मदद मोनहैनो हागोन। बे मावबादायाव बडाइगाव एसएसबिनि सेक्टर गाहाइनि सिडव 06 बिएन एसएसबि रानिगुलि, 15 बिएन एसएसबि काजलागाव आरो 31 बिएन एसएसबि गसाइगावजों लोगोसे गुबुन-गुबुन इडनटफोरनिफ्राय गोसो गुदुं मावथिफोर बाहागो लादोंमोन। सा 27 मावख'गिरिफोरखौ बेरे मोदै फिसिनायनि गोनांथार आयदाफोरखौ बे मावबादायाव फोरेंथाइ होनाय जादों। मावबादायाव फिसानि जोथोन लानाय, बेरे मोदै बुधुमनाय आरो बेरनि देहा जोथोन लानायनिबो फोरेंथाइ होनाय जायो। बे मावबादाखौ गुबारे रोखा खालामनो फोरेंथाइखौ बयनिबो गेजेराव लानानै थानो जथुमाव मोगथांअरि दिन्थिफुनाय मोन्निबो गेजेरजों होनाय जायो। बे मावबादायाव बेटेलियननि गोबां गोजौ थाखोन बिबानगिरिफोरबो बाहागो लादोंमोन।

2025 मायथाइनि NEET UG आन्जादआव उथिसार जानो हानाय ज्योति मुसाहारिखौ सिमेन दख'रा एबसु आरो सिमेन गुदि बर' थुनलाइ आफादआ बरायदों

लानानै उथिसार जानो हादों। मख'नो गोनांदि, ज्योति मुसाहारिया मिरु दुलाराय बर' फरायसा आफादजों फोसावजानाय कमल कुमार देरहासाद बान्थाखौ 2023 ई माइथायआव आवग्रिनो हादों। मख'नो गोनांदि, फागुन मोसाहारि आरो फैसालि मोसाहारिनि आंगो फिसाज्ला हरेन्द्र मोसाहारिआ 2023 माइथायनि नेसनेल टेस्टिं एजेन्सिजों खुंजानाय NEET आन्जादआव 720 नम्बरनि गेजेराव 618 नम्बर लानानै उथिसार जानो हादों। हरेन्द्र मोसाहारि, ज्योति मुसाहारि जाफुंसार बिफा फागुन मोसाहारिया सतीस बसुमतारि जौसिन गेजेरारि फरायसालिनि फोरेंगिरि। 2025 माइथायनि नेसनेल एजेन्सिजों खुंजानाय NEET आन्जादआव 720 नम्बरनि गेजेराव 453 नम्बर लानानै उथिसार जानो हानाय ज्योति मुसाहारिखौ गोजोननाय मोननानै दिने सिमेन दख'रा दुलाराय बर' फरायसा आफाद, सिमेन गुदि बर' थुनलाइ आफादआ बरायहैयो फागुन मोसाहारिनि न'आव। बे हाबाफारियावनो धेमाजि जिल्लानि दुलाराय बर' फरायसा आफादनि बोसोनगिरि लकेन बसुमतारि, सिमेन दख'रा दुलाराय बर' फरायसा आफाद आफादगिरि दोमैलु बसुमतारि, गाहाइ नेहाथारि रिंखां बर', सिमेन गुदि बर' थुनलाइ आफादनि आफादगिरि जलेस्वर बर', गाहाइ नेहाथारि सेलेन्द्र बर', सिमेन दख'रा दुलाराय बर' फरायसा आफादनि फोसावदिं नेहाथारि दिदोम बर', नेहाथारि बिखम खेरकाटारि, महनपुर खोन्दी दुलाराय बर' फरायसा आफादनि गाहाइ नेहाथारि बिस्ति मोसाहारि बिथां मोना।□

चिरांआव 50 बोसोर बैसोनि लांसुनियआ 11 बोसोरनि हिन्जावसाखौ आथोनआरि उतरार खालामदों

सौफामनायाव सैनानाय हिन्जावसाया लांसुनिया कातिराम सुत्रधरनि आखल आबुफोरखौ फोसामयनानै होनायावसो जाथाइनि गुबुं महय सोराडव फैन्यो। बेराफारसे सैनानाय हिन्जावसानि थासारियाव गोब्राब जानायलाय फाहामथाइनि थाखाय गामियारिफोरा राहा लानो गोनां जायो। दिने गामिनि खुद्रिखांनय राइजो-राजाफोरा हिन्जावसाखौ उतरार खालामनाय कातिराम सुत्रधरखौ न'निफ्राय हमनानै लाबोनानै क्लाबनि खुन्थियाआव खानानै गोब्राब साजा होयो। बे खौरांखौ मिथिनानै डांतल पुलिस बादानिफ्राय पुलिस हान्जा फेनानै जिनाहारि खालामग्रा कातिराम सुत्रधरखौ बोखांफेनानै थानायवा लानानै थाडो। बेराफारसे सैनानाय हिन्जावसानि बिफाया बे जाथाइनि सायाव एजाहार थिसनो। एजाहारनि बिथायाव पुलिसआ सैनानाय हिन्जावसाखौ देहा आन्जाद नायनायनि उनाव जवान बन्दिबो लायो। जायगानि सुबुंफोरा लांसुनिया कातिराम सुत्रधरखौ गोखों साजा होनो पुलिस खुंथाइनियाव दाबि खालामदों जाहाते उननि समाव बे रोखोम गात्रि हाबायाव आखाय होनो हाया।□

दुखुनि हांमा

सोर मिथिगौ आनि दुखु-दाहा खामगिलनाय गोसोनि मोन्दै हुगारनायखौ बावगार हाया नोंसोरनि अन्नाय गोजोनहोनाय सानसेबा गाबनाय सानसेबा मिनिनांनय मा जाखो आनि जिउआ बुंस'नो हायासै आं आनि जिउखौ। दुखुनि हांमा बोयै दाहानि खन्थाय लिरें लिरें थानोसै आं बे संसाराव। सोर दड आंहा बे मुलुगआव? गैया आंहा रावबो संसाराव आनि गोरबोनि गाबनायखौ सोर मिथिनो अराय सम दुखुनि हांमा बोनांनै थाबाय आं संसाराव। सोर आय' होन्नो आनि गाबनाय सोर मिथिनो आनि दुखु दाहा बावनो गाबनाय बावनो मिनिनाय थायो आं अरायसम दुखुखौ गोसोयाव दोन्नानै मिनिखुसि रंजा बाजा सोर मा होनानै गोजोन होगोन? मिथिस' हाया आं। गैया आंहा आंगो बिमा बिफा बिब' बिनानाव संसारजों मुगे जानाय बे जिउवा हावरिया जारिमिन जानानै थालांबाय आनि बे बेसेन गैयै जिउवा।

मिस रिखु नार्जारी
गामि- 7 नं आपलागाव
जिल्ला- कक्राझार, बिटिसि (आसाम)

हायनारिनिस्मि

जौमोन बैसोआव हायनारि हिसाबै हास्थायो आं नोंखौ जीउआव। रुगुं गैयै बे फैलाव बुहुमाव हान्थियै-हान्थियै सफैबाय आं नोंनि साखाथियाव। बोज'बना लादो हायनारि आनि गोबों बिखानि थार अन्नाय। सान अखाफोर साखि दोन्नानै लागोन आं समायखिरा खालामगोन आं नोंखौनो जीउनि लोगेरि। दहाय | हायनारि..... दा दोनलां दावदाव आनि गोबों बिखायाव खामगिल नांगोन आनि जीउआ थैजासिम। जौमोन बैसोनि बोर्नाय गोसोआ नोंखौनो अराय नोजोरनि सिगाडव लुबैयो, नोंखौ नुवाब्लानो आनि गोसोआ बायगिलयो, हर-सान नोंनि सानथियावनो दोबै नाडो। हे हायनारि | नोंनो आनि जीउनि थिखानाय दावमैना दा खालामसे आंखौ बोदोर बारफेदो आनि बिबार बागानाव बारसे समायना बिबार महरै, गोजोनगलाय होफेदो आनि बिखाखौ नेनानै दं आं बोदोर गोसो लानानै।

श्री जाफुं बर'
मशलपुर कलेज, एड्च.एस. नैथि बोसोर।

रंजालि गथ'फोरनि सौरा

सौलुनि लाइजाम

गोसोनि खोथा नोंनि सेराव आदिने बुंनो हाला , नोंनि खुगानि रावआं खोनानो मोनला मा नों आंखौ मालाय सानबाय? गोरबोयाव लानाय दुखु आरो राव आं हाला फोरमायनो नोंनि सेराव, नोंनि गोसो गोरबोयाव मा दं बेखौ सोगनो आंहा गैला मोनथाइ, नों आंखौ एसेबां गोजान खालामबाय नोंनि सावगारि, नोंनिराव फाव नोंनि रायलायनाय, मिनिनाय गासैबो, गोसोयाव रोमै रोमै नुजाफेदों, जाफुंसार जागोन नोंनि आनि सिमां? दिनेनौं आनि बेसेबा गोजानाव नाथाय गोसो गोरबो मेलेमाव, एसे बांनो खाथियाव मोजां मोननायनि लामायाव आं गावखौनो खोमाबायना? नों आंखौ नेवसिबाय ना? नों आंखौ गनायगोन ना? नोंनि सायाव आरो नोंनि अननायाव आंहा दाबो दंन मोनथाइ?

नों आनि होनलानो हानाय देना मोनथाइ?

थराइना अरायथि ब्रहम
सेरफांगुरि दैमुगुरि

बायफ्लेनाय सिमां

बायनाय सिमानि हाद्रिफोर जाय दा मेगनाव थायो। जाय मोनसे समाव आनिमोन, दा गोसोखांथियावल्' मिनिबाय थायो। मोनसे समाव जयै थाबायदोंमोन, दा लामाफोराबो सिनायमोनै जालांनो हमबाय। बिखानि जोबसांनयाव हाबिलाया खालि सिरि लिरनाय महरावल्'सो दंसे। खुगायाव बुंनो लानाय सोदोबफोरा जेथो नानाय खुन्दुंजों रुजुजासै। आगोरमोनै रावफोरा खालि अनला ओंखैयावसै मालायखौ दुसिना गावनिखौ खोमायोसै गोरलै नड थुखा जाखानाय अन्थाइआ फिन खेब रुजोब जाफिननो थांखानाय बोर्लानि थिरआ गिदिबोफिननो।

खोमथा बर'
उदालगुरि

फैफिन नों रजे

मिस कयनालि बसुमतारी

आनि गोर गोसोआव नों जेव्ला लुफावफेदोंमोन अन्नायनि फिथिखा नोंनि थार अन्नाया लासै गेलेम लांदोंमोन गोरबो बिखा। जेव्लानों गोरबोनि लांदों मासियाव-साननैसोनि आलासि जाना जिरायनायाव, बुनाय बैफोर नोंनि राव फावआ दड दाबोनो गोरबोनि दायरिफोराव रोखा रोखा। दिने सुथुरनि नाखेबनायाव-गोसोआ नोंनि आनिफ्राय बेसेबा गोजानाय सुथुरखौ गियोब्ला मानोथो मोजां मोना सना? गोसो सिखाव जानानै रजे मोजां मोनलायनायनि गाथोनाव दागोले। नोंनि अन्नायखौ लानानै बावलांबायमोन आं दुखुनि सोमोन्दै, नाथाय नोंनि फोथाय खेबस अन्नाया दिने सोमजिहोबाय गोरबोआव हांमा...। नोंनि थाखाय सुनुनाय सिमाड सिमाडैनो गोमोरलांनयबाय सना, नोंखौ लानानै लुनाय मिजिनि देरायावलाय सुथुरनि लुफावनाय अरा जोंब्लाउ फैबाय। नों आनि गोजान जादोंब्लाबो गोमोराखै रजे नोंनि सावगारिया गोरबोनिफ्रायनो। सिमाड आनि नोंनि थाखायल मोगथाडव नोंनि अन्नाय मोननायनिल। गोरबोआव आंनो मोदैनि आगान होलांनानै आनिफ्राय जानगारखो नों मा गोसो लानानै? मेंगिलनाय सोलेरखौ लानानै दड आं नोंखौनो नागिरबायनानै, नाथाय दिने आनि दावबायनाय लामायाव, गाब्रफलांबाय आं सुनि बेहेराव। आंथिनि सुखौ बखनानै सानदोंमोन आं आगान सुरफिननो गोदानै, नाथाय बखनो हायाखिसै आं रजे नाजाब्लाबो गले गले। आंथिनि सुखौ बखनो-नों नडब्ला हानाय नड रावबो। दड आं दिने जग्रबनानैसो बे सुनि बेहेरावनो, थैजासिम बेवनो थाबाय थानानै नोंखौनो आं लामा नायबाय थासै। माब्लाबा आंखौ गोसोखांफिनोब्ला अनसाय फेफिननो दाबाव सना बे लामाखौ सं दाननानै सानसे-आंनिस्मि फेफिन नों रजे....।

दुखुथिया

हांमा सुरहाब सुरहाब दिखार नांहाब नांहाब नों अनजालिनि दुखुया हाबाब अरायबो दुखुनि मोजिल्लब। आगोमा अनजालुखौ नागिरना दांग्रोम बायदोंमोन बेखायनो नागिरना, नाथाय अनजालुया खाथियाव गैया गाबन्निबायदोंमोन गोबारे राव होना। संसारनि साथ जारलायाव गोरलेबाय दुखुनि देखोया रिजेनबाय, गारलांबाय अनजालुया अराय अनजालिखौ दुखुयाव गब' होना, नागिरना मोना अरायबो हाबाब दुखुथिया हांमा सुरहाब सुरहाब।

मुसि बिरदाव नार्जारी
गामि- खारगाव, लां.सो:- खारगाव
जिला- कक्राझार।

मोगथाडसो सिमां

जेव्ला आं सिरियै गोदोहाबो सानबोलावरिनि देरायाव अब्ला जाखांफैयो फिर फिरनो मोगथाड सिमां बादि सिमलाबलाडो फारनैबो खालाय। गिसिखालाडो ज्राम ज्राम हाब्रां। अब्ला आं आरो रासिननिफ्राय रासिन मिनिसिनो, गोसोनि मोदेखौ गोसोआवनो थाथोसै सानानानै-नाथाय गुबुनाय बान्दोनिस्सो महर लायो...। सौनाय फैयो..... बबे बिखाया बबे गोसोजों सहायखो? माबोरै.....? जिउआ जिउनिनो ना..... फोजोबग्रासो? खासि बिस्निनो....? बेखायनोसो नामा रजे सिमाड सिमां नड मोगथाडसो सिमां?

मिस रंजालि गयारि
इउ एन एकाडेमि

दानि सिरव्लाफोर

नॉनारि सिरे गांने टाउन बाजार होमबाथाइ जेरावबो हायलोब हायलोब गाननाया बिसिनि सुरिदार लंफेन गैया माथो नोंसोरनाव बर' हारिनि गाननाय। बायबाय नामा बायदि मैयानि गाब-गानाय दखना; दानाय लुनाय कृष्टि मोसानाय बायदि-आसार खान्थिखौ। गैया नामा नोंसिनि गोसोयाव बर' हारिखौ जौगाखां होनायनि मिजिंक बिबादिब्ला जों बर' राइजोखौ-माब्रै मोननो; फे जों बर' हारिया बयबो खौसे जानि बर' हारिखौ जौगाखां होनायनि मिजिंक बिबदिब्ला जों बर' राइजोखौ-माब्रै मोननो; फे जों बर' हारिया बयबो खौसे जानि बर' हारिखौ जौगाखां होनाइया-जोंनि आखाइयावनो दं। दाजासै नोंसोर रावबो एना एनि मालाइ हारिनि आथिं सिडव-थाबाय थानायनि सम गैला फेदो फे बयबो ज,ज; सुरदिनि जों आगान गोजों लामाजों।

गोसोखां बसुमतारी
गामि- मैनागुरि।
जिला- कक्राझार, बि टि सि, आसाम।

आहमेदाबाद प्लेन क्रेस जानायनि रहस्यखौ दा मिबथिनो हासिगोन

आहमेदाबाद, 16 जून: गुजरातनि आहमेदाबादआव 12 जून खालि जानाय दुबुनाथाव एयार इन्डिया उरं जाहाज जाब्रबथाइनि नायबिजिरनायाव जर'खा जाफु'सारनो हादों। नायबिजिरगिरिफोरा ककपिट भयस रिर्क (सिभिआर)खौ बोखानो हाबाय। बेनि सिगां फ्लाइट डेटा रिर्कडार (एफडिआर)खौबो मोनबायमोन। बे जाब्रबथाइआव सा 270 सुबु'फोरा जिउ गोमाबाय। जाब्रबथाइखौ नायबिजिरनाय एयार क्राउट एक्सडेन्ट इन्वेस्टिगोसन ब्युर' (एएआइबि)आ गिबियाव खालि फ्लाइट डेटा रिर्कडारनि मोन्नो हानाय खौरांखौल'



होदोंमोन। नाथाय दा ककपिट भयस रिर्कडारखौबो मोन्नो हाबाय। जेराव गाहाइ मन्थ्रनि गाहाइ नेहाथारि पि के मिश्राआ रबिबाराखालि जाथाय जानाय

जायगायाव दावबायफेदों आरो जोखोम जानाय सुबु'फोरजों लोगो हमदों। बिथाडा नायबिजिरनाय आरो रैखाथि हाबाफारिफोरखौ खौरां लादों

आरो भुगिनांनय नख'रनो हागौमानि हेफाजाब होगोन होन्ना फोथायथि होदों। बिबानगिरिफोरा पि के मिश्रानो मिबथि होयोदि, मोननैबो

ब्लेक बक्सआ मोजाडै दड। बेखौ मोन्नायजों जाब्रबथाइनि जाहोनखौ मिबथिनो गोरलै जासिगोन। एएआइबिआ नायबिजिरनाय हाबाफारिखौ जागायबाय, अदेबानि आमेरिका नेसनेल ट्रान्सपर्टेसन सेपिट बर्डआबो आलादायै नायबिजिरासिनो दड। मानोना उरं जाहासआ आमेरिकाआव बानायनायमोन। पि के मिश्राआ सारकिट हाउसआव मोनसे हाइ-लेभेल जथुमाबो खुदों। बे जथुम्मायाव मिरु आरो राइज्यो सरकारनि गासै अफिसारफोर, एएआइबि आरो एयारपर्टनि अटर्निति अफ इन्डियानि बिबानगिरिआबो बाहागो लादों। जथुम्मायाव रैखाथि आरो नायबिजिरनाय खामानिफोरनि सायाव गुवारै सावरयनाय जादों। पि के मिश्राआ खौरांगिरिफोरनि सिगाडव बुडोदि, बे गिखंथाव जाब्रबथाइजों आं जोबोद दुखुआव दड। साफ्रोमबो सुबु'फोरा जिउआव खुसि गैयै जादों। भुगिनांनयफोरनि फासै जॉनि खौसेथिखौ दिन्थिनाय आरो बिसोरनि दुखुआव जॉनि लोगोसे थाफानाया जॉनि बिबान □

जम्मुआव सनानि माला लुथिग्रा हान्जानि सानै दायनिगिरिफोरखौ ग्रेप्टार खालामदों



जम्मु, 16 जून: जम्मु पुलिसआ आइजोफोरनि सनानि माला लुथिनाय जाथायखौ सोराडव लाबोनानै सानै दायनिगिरिफोरखौ ग्रेप्टार खालामनानै बिसोरनि बेंखननिफ्राय लाख-लाख रां बेसेननि माला, जाथायाव बाहायग्रा गोबौ हाथियार (टका), स्कुटी आरो अटबो बोखाडो। सानै दायनिगिरि जानीपुर, डिस्क रडनि थागिबि अजित शर्मा आरो कामिनि मार्केट नगरटानि थागिबि साहिल खानखौ पुलिसआ दुर्गा नोगोर, जेराव बिसोर जाथायखौ फिन्नाय होदोंमोन। बेसिम थाबायनांनय पेरैडजों नायबिजिरो। जाहाथे बेनि खौरां होनो हायोदि, आयेननिफ्राय बारग'नाया दायनिगिरिफोरनि थाखाय गोरलै नड। मख'नो गोनांदि, 4 जूनआव दुर्गानगर, चिन्नौराव थानाय स्कुलनि बास स्टपआव सासे आइजोआ गावनि फिसाजोखौ नेगासिनो दंमोन। बे समावनो स्कुटीआव गाखोनाय सानै लाइमोनफोर आइजोनि गोदोनानिफ्राय सनानि

मालाखौ लुथिदोंमोन। बे समाव दायनिगिरिआ गोबौ हाथियार दिन्थिनानै आइजोखौ सिगिना खारदोंमोन। एसपि रुल बूजेश शर्माआ फोरमायोदि, नायबिजिरनायाव चिन्नौर पुलिसआ मिथियोदि, दायनिगिरिफोरा सिनायथिखौ दोनखोमानो थाखाय स्कुटीआव नम्बर प्लेट लागायाखैमोन। लोगोसे बिसोर हेलमेटबो गान्दोंमोन, जाहाथे बिसोरनि महरखौ सिसिटिडि केमेरायाव रोखायै नुनो मोना। दमाना थाना ओन्सोलनि दुर्गा नगरआव जानाय बे जाथायाव भुगिनांनय आइजोनो सानै दायनिगिरिफोरखौ दिन्थिनानै बिसोरखौ सिनायथि होयो आरो आइजोआ बिसोर सानैखौ जायगायावनो सिनायथिनो हायो। आइजोआ फोरमायनाय बायदिब्ला, साहिल खानआ बिनि गोदोनयाव हाथियार दोनदोंमोन आरो बिनि लोगोसे गोदोनानिफ्राय सनानि मालाखौ सेख'दोंमोन। □

केदारनाथआव हेलिकप्टार क्रेस जानायनि उनाव आर्यन कम्पानीनि हेंथायै केस थिसन्दों



उत्तराखण्ड, 16 जून: उत्तराखण्डनि केदारनाथआव हेलिकप्टार क्रेस जानायनि उनाव आर्यन कम्पानीनि हेंथायै केस थिसनो। बेजों लोगोसे उत्तराखण्ड सरकारआ कामान्ड आरो क-अर्डिनेसन सेन्टर गायसन्नो थांखि लायो। बे सेन्टरखौ सिबियारिफोरखौ लानानै बिरग्रा हेलिकप्टारजों लोगोसे साबसिन राहाजों बानायनाय जागोन। बेजों जाब्रबथाइनि सन्देहआ कम जागोन आरो जाब्रबथाइ जानायनि सिगां मदत सौहैनो हागोन। सिइअ

युकाडा सनिकाआ फोरमायोदि, गिबि मन्थ्र धामीआ सांग्रांथि गैयैफोरनि हेंथायै गोखैयै नायबिजिरनो बिथोन होयो आरो दायनिगिरिफोरनि हेंथायै गोखोडै नायबिजिरनाय जागोन। बेनि गेजेरजों हेलिकप्टारजों केदारनाथ दावबायनायखौ साबसिन खालामनो थाखाय इयुनआव सिफिकउरिर्तिनि राहा खालामनाय जागोन। आर्यन कम्पानीनि हेंथायै थिसन्याय

केसआव बुनाय जायोदि, थंनय रबिबाराव बोथोर गात्रिमोन, अखाडाव जोमै सारलोबनायमोन। बेबायदिआव एसअपिखौ सिफायनानै हेलिकप्टारखौ सालायनाय जायो। बेनि जाहोनावनो जाब्रबथाइ जायो। आर्यन कम्पानीनि मेनाजार भलिभांतिआ बेबादि बोथोराव हेलिकप्टार गाखोनाय अलखद गोनां जानो हागौ होन्ना मिथिगौमोन। अब्लाबो आर्यन कम्पानीआ हेलिकप्टार

सालायो आरो बे सांग्रांथि गैयैआवनो जाब्रबथाइनि जाहोन जायो। बे जाब्रबथाइनि थाखाय आर्यन कम्पानीनि मेनाजार भिकास टमर आरो एकान्तेबल मेनाजार कौशिक पाठकखौ दायनिगिरि हामो। एफआइआरआव फोरमायनाय बायदिब्ला, हेलिकप्टार सालायनायनि गिबि स्लटआ फुंनि 6:00 रिगानिफ्राय 7:00 रिगानि गेजेराव। नाथाय बे जाब्रबथाइआ फुंनि 5:30 रिगायाव जायो। बेबादियाव कम्पानीनि फारसेनिफ्राय एसअपिखौ फालियाखै। बेनि जाहोनाव जाब्रबथाइनि थाखाय बिबानगिरिफोरखौ दायनिगिरि गनायो। उत्तराखण्डनि रुद्रप्रयाग जिल्लायवा रबिबाराखालि गंसे हेलिकप्टार क्रेस जायो आरो सा 7 सुबु'फोरनि जिउ गोमायो। बे हेलिकप्टारआ सिबियारिफोरखौ लानानै केदारनाथनिफ्राय फेफिनगासिनो दंमोन। बे समाव गौरिकुन्डनि हाप्रायाव भिजिबिलिटी गात्रिनि जाहोनाव हेलिकप्टारआ जाब्रबथाइनि मैहुर जायो आरो बेयाव गाखोनाय गासै सुबु'फोरा खामथाबजोबो। □

इजराइलनि गाग्लोबनायाव इरानआव सोलौंथाइ लाबाय थानाय सा 2 काश्मीरि फरायसाया जोखोम जादों



गोदान दिल्ली, 16 जून: इरान आरो इजराइलनि गेजेराव सोलिबाय थानाय जेनाया फिन खनसेबाव मुलुगनां खौरांआव थादों। बे दावहानि गेजेराव दा सरसनस्त्रा सुबु'फोराबो फैबाय।

बेनि गोहोमखौ गुबुन हादतनि फरायसाफोरनि रैखाथिनि सायावबो गोलैदों। थानाय मोनायाव तेहरान युनिभासिर्ति अफ मेडिकेल साइन्सेजनि माहारियारि फरायसाफोरनि

थाखाय बानायनाय बयज हस्टेलनि खाथियाव मोनसे गाग्लोबनाय जाथाय जादों। बे गाग्लोबनायाव भारतीय फरायसायाबो जोखोम जादों। बिसोर सानैबो फरायसाया मावख'आ बे केसनि फासै नायबिजिरनायाव नांथाबनानै दड, जाहाथे जाथायनि जाहोनफोर आरो दायनिगिरिफोरखौ मिबथिनो हायो। □

इरान आरो इजराइलआ गावजों गाव गाग्लोबलायगासिनो दं

इरान-इजराइल, 16 जून : इजराइलआ इराननि सायाव गाग्लोबनायफोरनि गोखैथिखौ बांहोदों। इजराइलआ 3 टप जेनेरेलखौ गावथारो आरो इरानआबो लान्थ्रिये ब्रैथि हराव इजराइलनि सायाव जर-जुलुमै बम गावयो। हरसेयावनो 100 निखुइ बांसिन मिसाइलजों गाग्लोबनायनि दाबि दैखदों। इरानआ गोदाने गाग्लोबनायाव इजराइलनि मोनब्रे सहरफोरखौ नोजोर होदों। बेयाव तेल अभिब आरो हाइफाआबो दंफायो। इरान आरो इजराइलनि अखांआव मिसाइलफोर नुनो मोनगासिनो दं। हायाव साइरन गाबनायजों लोगोसे हखाव-हसिनि सोदोब खोनानो मोन्दों। बे गासै जाथाइफोरनि गिखंथाव भिडिअफोरा इजराइलनि सायाव



100 निखुइ बांसिन मिसाइलफोर गावहरदों। इरानआ इजराइलनि राजथावनि जेरुजालेमनि आरो बयनिखुइ देरसिन सहर तेल अभिबनि सायावबो गाग्लोबनायनि दं। बेनि गेजेरजों इरानआ इजराइलनि नोगोरारिफोरखौ हुमखि होयो। इरानआ जिउखौ रैखा खालामनोब्ला थाबैनो दखल खालामनाय

जायगाखौ नगार होन्ना बुदों। बेरा फारसे इराननि सायाव इजराइलआबो स्ट्राइक खालामगासिनो दं। इराननि राजखांन्थिया इजराइलनि गाग्लोबनायजों सिलिंखार जायो। इजराइलआ तेहराननि माखासे लकेशनव गाग्लोबनो आरो बिसोरनि मिलिट्रि बेस आरो बिफानारि बिल्डिंफोरखौ नोजोर होयो। □

सिट्रएन सि 3 कारआ गोदान भेरिएन्ट मोन्नो हागौ

गोदान दिल्ली, 16 जून: फ्रान्सनि गारि बानायग्रा सिट्रएननि फासैनिफ्राय हेचबेकनिफ्राय लानानै एसयुभि सेगमेन्टआव माखासे गारिफोरखौ फान्नाय जायो। मिडिया रिपर्टनि बादिब्ला, सिट्रएननि फासैनिफ्राय अफार होनाय सिट्रएन सि 3 नि स्पर्टस एडिसनखौ लन्च खालामनो हायो। मिडिया रिपर्टनि बायदिब्ला, सिट्रएननि फासैनिफ्राय सि 3 हेचबेक कारनि स्पर्टस एडिसनखौ भारतीय बाजारआव लन्च खालामनो हागौ। अदेबानि



आथिखालआव बानायग्रानि फासैनिफ्राय बेनि सोमोन्दे जेबो रोखोमनि अफिसियेल खोरं होनाय जायाखै। सुलुनि बायदिब्ला, सिट्रएन सि 3 नि स्पर्टस एडिसनआव रेलिजों थुलुगानाय डिकल आरो इन्टिरियर टीमनो होनो हागौ। बेयाव स्पर्ट4स एडिसननि बेजिंखौ एक्सटिरिक्यार आरो इन्टिरियरआव होनो हागौ। बेजों लोगोसेनो बेव माखासे फिचार्सफोरखौ होनो हागोन, जेराव एनबिएन्ट लाइटस, वायारलेस चार्जर, डेशकेरा बायदिखौ होफादेरनो हागौ।

सोलाय-सोल' खालामनो हानाय आसाया जोबोद खम। बेव 1.2 लिटार टर्ब पेट्रल इन्जिन होनाय जागोन। जायजों 108.6 बिएचपिनि पावार आरो 205 निउटन मिटारनि टर्क मोनगोन। सिट्रएननि फासेनिफ्राय सि 3 खौ हेचबेक कार महरै अफार होनाय जायो। □

इजराइलआ इराननि राइज्योआरि टिभि स्टुडिय'खौ गाग्लोबदों

गोदान दिल्ली, 16 जून: दिने इजराइल आरो इराननि गेजेराव दाडबाजिनि ब्रैथि सान। फारिये सानब्रैनिफ्रायनो इजराइल आरो इरानआ गावजों-गाव गाग्लोबनायनि दं। बे दावहानि समाव मोननैबो हादतआबो गोबां खहा जादों। बे समावनो इजराइलआ फिन खेबसेबाव

इराननि सायाव मिसाइल गाग्लोबनाय जागायदों। रिपर्टनि बायदिब्ला, मोनसे इजराइलनि मिसाइलआ इराननि राइज्योआरि खौरां फोसावग्रा स्टेशन (टिभि स्टुडिय') खौ नोजोर होदों। इजराइलनि गाग्लोबनायनि उनाव राइज्योआरि

टेलिभिजनआ हरखाबै लाइभ फोसावनायखौ बन्द' खालामदों। रिपर्टनि बायदिब्ला, इराननि बांसिन ओन्सोलआव इजराइलनि मिसाइलफोरा अखा बादि गोलेगासिनो दड। बे समावनो इजराइलआ गाल्फ हादतनि सायाव आबु' अखां



साबसिनखौ दाबि खालामदों। मोननैबो हादतआ मिसाइलजों गावजों गाव गाग्लोबनाय थादों। बे जाथायनि मोनसे भिडिअबो नुजाथिदों, जेराव बेखौ नुनो मोनो दि, सासे एंकरआ लाइभ बुलेटिननि समाव खौरांखौ फरायगासिनो दंमोन। बे समाव स्टुडिय'नि सोरगिदि मोनसे

मिसाइल गोलेयो। बुलेटिननि गेजेराव एंकरआ गियो आरो सिखारनानै ओंखारलानो गोनां जायो। बबेखानि बे समाव एंकरआ खारखोमानो हायो। इजराइलआ सिगाडवनो बुदोंमोनदि, बिथो गावनि थांखिफोरखौ मोनफुनो थाखाय थार लामायाव दं। इजराइलआ

गाहाम देहानि राहा

बादामखौ माखासे राहाजों जायोब्ला साबसिन मुलाम्फा मोनो

बादामखौ सावस्त्रिन थाखाय मुलाम्फा गोनां होनना मानिनाय जायो। फुडव बे गोरान फिथाइखौ जानाया गोबां सावस्त्रि मुलाम्फा होयो। बादाम जानायनि मुलाम्फा जाबाय-



- बेगंखौ गोखौं खालामो: बादामआ केलसियामिन मोनसे मोजां फुंखा, जाय गोखौं बेगें आरो हाथाइफोरनि थाखाय गोनांथार। बादाम जानाया देहायाव गोखे गोहो होयो आरो हारानि सावस्त्रिखौ साबसिन लाखिनायाव मदद खालामो।
- बिखानि थाखाय मुलाम्फा गोनां: बादामाव अनसेचुरेटेद फेट थायो, जाय बिखानि थाखाय जोबोद मोजां। बादामा गाजि कलेस्ट्रलखौ बाडाय खालामो आरो थैनि गोसारथिखौ साबसिन खालामो। बादामाव थानाय मेगनेसियामा ब्लाड प्रेसारखौ दबथायनायावबो मदद खालामो, जाय बिखाखौ उक्रा रैखाथि होयो।
- डाइजेसनखौ साबसिन खालामो: बादामखौ हरसे दोबैनाया एनजाइमफोरखौ हगारो, जायजों बेफोरखौ हजम खालामनायाव गोरलै जायो। बेफोरखौ खुलिनाया गोर

बिगुरखौ बोखारो, जाय उदैयाव गोब्राब जानो हागौ। बेयो बुनायखौ बाडइ खालामो आरो डाइजेसनखौ साबसिन खालामो, जाय मोजाडै डाइजेसननि थाखाय गोनां हेफाजाव होयो।

4.बिगुरनि थाखाय मुलाम्फा गोनां: संनाय बादामाव एन्टीअक्सिडेन्ट, भिटामिन-इ आरो सावस्त्रिनां फेटफोर थायो,जाय बिगुरखौ सिंक्राय थाजिम खालामो। खान्थि बायदिदै जानाया गोरान जानायजों जुजिनायाव मदद होनो हागौ आरो बिगुरखौ मोनसे जोंसारनाय, लाइमोन महर होनो हागौ।

5.गोसोखौ गोराला: बादामाव भिटामिन इ, अमेगा-3 फेटा एसिड आरो एन्टीअक्सिडेन्ट बायदि

निउट्रियेन्टफोर थायो, जाय मेलेमिन खामानिखौ बांहोयो। बेफोरखौ जानाया गोसोखांथि, गोसो हमथानाय आरो मेलेमिन मावथायखौ बांहोयो। बादामखौ माब्लाबाबो गोरान जानो नाड। बेयो हजम जानाय एबा गेसन जेंनानि जाहोन जानो हागौ। जानायनि सिगां बादामखौ 7 निफ्राय 8 घन्टानि थाखाय दैयाव दोन। थामहिनबा, बादामखौ हराव दैयाव सोमना ला आरो फुडव जानायनि सिगां बिखौ सुस्ता। बिसोरखौ हरसे फुडुनाया बिसोरनि बिगुरखौ गुरै खालामो, जायजों बिसोरखौ हजम खालामनायाव गोरलै जायो आरो बिसोरखौ खुलिनाया बिसोरनि मुलाम्फाखौ बांहोयो।

सलमान खाननि सुल्तान सावथुनआव मृणाल ठाकुरआ गिबि सायख' जानाय फावखुंग्रिमोन

आली अब्बास जफरजों दिथाहोजानाय 'सुल्तान' सावथुनआ बलिउडनि ब्लकबास्टर सावथुनफोरनि गेजेराव मोनसे। बे सावथुनआ अनुस्का शर्माआ सलमान खानजों लोगोसे गाहाइ फाव खालामदोंमोन। अनुष्काखौ आरफानि फावआव नुनो मोननाय जादोंमोन, जाय सासे जिउराहायारि एथलीट। बिथाड बे सावथुननि थाखाय गोबां बाख्नायजादोंमोन। नाथाय अनुष्काया बे फावनि थाखाय माब्लाबाबो गिबि सायख'जायख'मोन। सलमानआ गावनो खेबसे फोरमायदोंमोनदि सुल्ताननि थाखाय गुबुन सासे फावखुंग्रिया गिबि सायख'नायमोन। बे फावखुंग्रियानो जादों आखा-फाखा मृणाल ठाकुर। 2022 माइथायाव, मृणालआ गावनि सावथुन 'जासी'खौ फोसावनो थाखाय बिग बसनि सेटआव लोको-फावखुंगुर शाहिद कापुरजों लोगोसे नुजादोंमोन। बे समाव, सलमानआ शाहिदखौ बुंदोंमोनदि, 'सुल्तान' सावथुननि थाखाय मृणाल ठाकुरआनो गिबि सायख'नायमोन। सलमान खानआ बेखौबो मुंख'दोंमोनदि



मृणाल ठाकुरखौ सावथुननि थाखाय मानो थि खालामनाय जायाखैमोन। सलमानआ बुंदोंमोनदि बिथांजोआ सावथुननि सायाव सावरायनो थाखाय बिखौ आरो अली अब्बासखौ बिथांनि फार्माहउसआव लोगो हमनो थांदोंमोन। मृणाल ठाकुरखौ सावथुननि थाखाय कास्ट खालामनो हागौमोन, नाथाय बिथांजोखौ फाइनाल

खालामनाय जायाखैमोन मानोना बिथांजोनि देहाखौ सासे एथलीट बायदि नुनाय जायाखैमोन। बिसोर सासे फावखुंग्रि नागिरासिनो दंमोन, जाय फिट आरो सुल्ताननि

थाखाय सासे एथलीट बायदि नुदोंमोन। बै समाव, मृणालआ जोबोद फिसामोन, जायनि जाहोनाव बिथांजोआ बे फावजों गोरबाखैमोन। मृणाल ठाकुरआ टिभिन्फ्राय बलिउड आरो खोलानि सावथुनफोराव गावनि थाखाय मुं दोननो हादोंमोन, आथिखालाव गोबां सावथुनफोरा सारियाव दं। बिथांजोखौ सन अफ सरदार 2, डकैती: ए लभ स्ट'री, है जवानी तो इश्क होना है, पुजा मेरी जान आरो धुम 4 बायदि सावथुनफोराव नुनो मोनो। बिथांनि सावथुन डकैतआ बे बोसोरनि 25 डिसेम्बराव सिनेमाहल फोराव रिलिज जागोन।

बलिउडआव फरहान अख्तरनि सावथुन 'डन 3' नि बागै गोबां सावरायजादों

आथिखालाव बलिउडआव फरहान अख्तरनि सावथुन 'डन 3' नि बागै गोबां सावरायनाय जादों। रनभिर सिंह फाव खालामनाय बे एक्शन थ्रिलरनिफ्राय कियारा आडवाणीनि ओंखारनायनि उनाव, कृति सेननजों ज जानायनि खौरांआ गिबि खौरां गोसारगसिनो दं। कृतिनि मोनसे भिडिअया ससियेल मेडियाआव भाइरल जागासिनो दं जेराव, पेपाराजीआ बिथांखौ लेडी डन बुंदोंमोन, जाय सानखानायखौ बांहोदोंमोन। बावैसो कृति सेननखौ मुम्बाइआव मोनसे डिनार आउटटिनि समाव मोनसे सोमोनांथाव स्लीवलेस ब्लू ड्रेस गान्नाय नुनो मोन्दोंमोन। जेब्ला बियो गावनि कारनि फारसे थाबायलांदोंमोन, पेपाराजीआ सावगारि लानाय समाव बिथांखौ गाबज्रिदोंमोन, 'कृति जी, डन 3, लेडी डन'। कृतिआ जेबो बुडखैमोन, नाथाय बिथांनि मोखाडव एसे मिनिनाया बिथांनि अनसायगिरिफोरखौ गोसो गुदु खालामदोंमोन। बे भिडिअया समाजारि बिजोंआव गोसारदोंमोन, आरो सुबुंफोरा बेखौ 'डन 3' आव बिनि कास्टिनि मोनसे इसारा होदों। 'डन 3' फोसावनायनि उननिफ्रायनो सावथुननि थाखाय रंजाखानाय फैंदों। गिबिआव, कियारा आडवाणीखौ रनभिर सिंहजों लोगोसे गाहाय फावनि



बाहगो जानो राजि जादों आरो थाबैनो मावख'आरि रादाय खानायाव सागान होनो हागौ। बेखौ रोखा खालामनो थाखाय दासिमबो जेबो मावख'आरि बिबुंथि फोसावनाय जायाखै। डन 3 आ फरहान अख्तरनि मुंदांखा डन फ्रेन्चाइजीनि थामथि खोन्दो, जेराव अमिताभ

बच्चन आरो शाहरुख खान बायदि गेदेमाफोरा डननि फाव खालामदों। बे खेबाव रणवीर सिंहखौ बे मुंदांखा फावआव नुनो मोनगोन। फरहानआ बीबीसी एशियान नेटवर्कजों रायन्त्यायनायाव रनभिरखौ बाख्नायदोंदि, रणवीरआ बे फावनि थाखाय जोबोद मोजां। कृति सेननआ बावैसोनि बोसोरफोराव गावनि फाव खालामनाय आरो गोबां रोंग'थिजों बयनिबो गोसोखौ बोनो हादोंमोन। बिथांजोआ 2021 मायथाइयाव मिमीनि थाखाय हायुंआरि बान्था मोनदोंमोन।

राम कापुरआ 5.21 कौटि रांनि आल्ट्रा-लाक्जरी हाइब्रिड एसइउभि कारनि बिगोमा जानो हाबाय



बलिउड आरो टिवि स्टार राम कापुरआ गावनि देहा सोलायनायनि थाखाय सोराडव फैंदों। जेब्लानो बिथाड स्क्रिनाव गावनि सोमोनांथाव कारजों स्पटलाइटआव फैंदों। राम कापुरआ 5.21 कौटि रांनि आल्ट्रा-लाक्जरी हाइब्रिड एसइउभि बिगोमा गिबिसिन भारतयारि। बे कारआ बिथांनि सिगांनिफ्रायनो गोहोम खोख्लैनो

हानाय कार बुथुमनायनि मोनसे दाजाबदेरनाय। बे कारनि सावगारि आरो भिडिअफोरखौ ससियेल मेडियायाव सेयार खालामनाय जादों। राम कापुरआ बावैसो गंसे आल्ट्रा-आलीशान कार, लेम्बारगिनी उरुस एसइउभि बायदों, जायनि बेसेना 5.21 कौटि रां। बे हाइब्रिड एसइउभिनि गुदि बेसेना 4.57 कौटि रां, नाथाय

रंजानाय नुनो मोन्दोंमोन। राम कापुरनि गोदान कारनि सावगारि आरो भिडिअफोरा ससियेल मेडियायाव अर बायदि गोसारगसिनो दं। राम कापुरआ टीवी आरो बलीवुडआव गावनि समायना फाव खालामनायनि थाखाय मुंदांखा। बिथाड कसम आरो बड़े अच्छे लगतेहैं बायदि टिवि सिरिजफोरजों मोनफ्रेमबो नख'राव सिनायथि मोननो हादोंमोन। बलिउडआव बिथाड सावथुनफेर जै-उडुन, एजेंट विनद आरो लव यात्री सावथुनफोरजोंबो गोबां बाख्नाय जादोंमोन। बावैसो, बिथाड गावनि फिटेस दावबायनायनि थाखाय खौरांआव दंमोन। हास्थायगिरिफोर बिथांनि गोब्राब नाजानाय आरो गोदान नुथायखौ बाख्नायदोंमोन आरो आथिखालाव बे गोदान कारआ बिथांनि स्टाइलखौ आरोबाव बांहोबावबाय।

अजय देवगाननि 'रेड 2' सावथुना अटिटि प्लेटफर्म नेटफिलक्सआव स्ट्रीमिं जागायगोन

बलिउडनि फावखुंगुर अजय देवगनआ गोबां मुंख'जाथाव फ्रेन्चाइजि सावथुनफोर होदों। अजय देवगाननि सावथुन 'रेड'आ 2018 मायथाइयाव फोसाव जादोंमोन, आरो बेनि नैथि बाहागोआ बे बोसोर, 2025 मायथाइयाव फोसाव जादोंमोन। 'रेड 2' आ मेआव थियेटरफोराव फैंदोंमोन आरो बोसोरनि बयनिखुइ बांसिन खामायनो हानाय सावथुनफोरनि गेजेराव मोनसे जादोंमोन। बक्स अफिसआव मोजाडै दिन्थिफुंनायनि उनाव, अटिटिआव सावथुननि रिलिज जानायनि लामाया दा सोरांआव। अनसाइगिरिफोरा बे सावथुनखौ नायनो थाखाय गोसो गुदुडै



नेगासिनो दं। गोबाडनो 'रेड 2' खौ थियेटरफोराव नुदों, नाथाय अटिटिआव फिन मोनसे सावथुन नायनायाव मोनसे गुबुन रंजानाय दं। बे समावनो रेड 2 नि अटिटिआव रिलीज अक्ट'नि बागै फोरमायथिया सोराडव फैंदों। बे सावथुनाव अजय देवगन, रिशे देशमुख आरो वाणी कापुरआ गाहाइ फावआव दं। सिंधमनि

फावखुंगुर अजय देवगनआ सावथुनफोराव गावनि आखुफोरखौ गोखोडै दिन्थिनायनि थाखाय मिबथिजायो। 'रेड 2' सावथुनआव बिथाड सासे गोहोगोरा दिन्थिफुंदोंमोन, आरो बयबो बेनि सोमोन्दै रायन्त्यायगासिनो दं। रेड 2 नि अटिटि प्रिमियारनि गुवारै फोरमायथिखौ फोसावनाय

आमिर खानआ पेहेलगाम उतखारि गाग्लोबनायनि सायाव खेंफोरथि होदों

22 एप्रिल 2025 माइथायाव पेहेलगामआव मोनसे उतखारि गाग्लोबनाय जादोंमोन, जेराव सा 26 सुबुंफोरा बुथारजादोंमोन। रिपर्टनि बायदिब्ला उतखारिफोरा बिसोरनि थोरुमखौ सोंनानै बिसोरखौ बुथारदोंमोन। बे जाथाया गासै हादतखौनो सोमावगलुं दोंमोन। बलिउडनि गोबां सेलेब्रिटिफोर सिरि थादोंमोन, जेराव आमिर खाननि सिरि थानायाबो सॉलु सिखांदोंमोन। फावखुंगुरा थोंजोडै



पेहेलगामनि सोमोन्दै आरो अपारेसन सिन्दुरनि सोमोन्दै जेबो बुडाखैमोन। जिखिजायामानो, दा बिथाड बेनि बागै गावनि गिबि फिनजाथाइ होदों। आमिर खानआ बावैसो सिगां मोगा-मोगियाव उतखारि गाग्लोबनाया अनागारिमोन। बेयो उतखारिफोरनि गिखंथाव आखुखौ दिन्थियो। बिसोर जौनि हादतआव हाबफैंदोंमोन आरो सरासन्ना सुबुंफोरनि सायाव गुलि गावदोंमोन। नों एबा आंबो बैयाव थांनो

हागौमोन। बिसोर बिथांनि थोरुमखौ सोंदोंमोन आरो फिन गुलि गावदोंमोन। बेयो मा ओंथि फोरमायो? फावखुंगुर आमिर खानआ फोरमायदोंमोनदि, बिथाड मानो बेनि सायाव फिनजाथाइ होयाखैमोन। फावखुंगुरनि बायदिब्ला आं सशियेल मिडियाआव गैया। सुबुंफोरा बेफोरनि जाथायाव गोखै फिनजाथाइ होयो। बेयो खालि जौनि हादतनि सायावल'नडा नाथाय जौनि खौसेथिनि सायावबो गारलोबनाय मोन? बिथांमोनहा सिगांनिफ्रायनो जौनि हादतनिफ्राय गाहाम फिन्नाय मोनखाबाय। आमिर खानआ आरोबाव बुंदोंमोनदि, बिथाड बे उतखारि गाग्लोबनायनि जाहोनाव'सितारे जमीन पर' सावथुननि ट्रेलारखौ केन्सेल खालामनाय जायो।

क्रिमिनेल जास्टिस सिजन 4 नि आद्रा थानाय खोन्दोखौ बृहस्पतिवारआव नुनो मोनगोन

पंकज त्रिपाठीनि वेब सिरिज क्रिमिनेल जास्टिस सिजन 4 आ नायगिरिफोरखौ गावनि सल'जों नांथाव होदों। रशनि साजुलाखौ बुथारनाय मोनफ्रेम एपिसदजों लोगोसे गोमोथाव बाश्राया गोथौसिन जागासिनो दं आरो आथिखालाव 6 थि एपिसडनि सिगांअन्साइगिरिफोर सशियेल मिडियाआव सॉथि सिखांदोंदि, बुथारग्राया सोर? क्रिमिनेल जास्टिस सिजन 4 नि



सल'आ मोनसे बुथारनाय गुमुरनि खाथि-खाला गिदिडे। जेराव डर राज नागपाल (महम्मद जीशान



अयुब) आरो बिथांनि अन्जलि बिसि अन्नु नागपालआ सुरवीन चावलाखौ रशनिआ सलुज

(आसा नेगी) खौ बुथारनायनि सन्देह' खालामनाय जादों। र रानीया सासे नार्समोन, जाय रज आरो अन्नुनि जुनिया गोनां फिसाजोया बेखौ जोथोन लायोमोन आरो राजनि अन्जलिबोमोन। दिन्थिफुंनायनि गिबि मोन्थाम एपिसडखौ 29 मे 2025 माइथायाव 'जिय' हट्टरआव फोसावनाय जादोंमोन आरो आद्रा थानाय एपिसदफोर बृहस्पतिवारव फेगासिनो। 6 थि

एपिसडनि सिगां, अन्साइगिरिफोरनि फिन्जाथाइफोर ट्रेन्डिं जागासिनो दं। सशियेल मिडियाआव अन्साइगिरिफोरा आरो नेटिजेनफोर गोबां सन्देह' गोनां सुबुंफोरनि मुंफोरखौ सिगाडव दोन्दें, जेराव गिबि मुड कमलामोन जाय न'नि हेफाजाबगिरिमोन। गोबां अन्साइगिरिफोरा फोथायोदि, र्वाथि कमलानि आखुआ माबा मोनसे दोनखुमागासिनो दं।

निरज चप्राआ पेरिस डाइमन्ड लीगआव बाहागो लानो जान्जि खाफ्रादों

गोदान दिल्ली, 16 जुन: खेबनै अलिम्पिक मेडल देरहानाय भारतनि जेभलिन स्टा निरज चप्राआ फेगों 20 जुननिफ्राय खुंजानो गोनां पेरिस डाइमन्ड लीगआव बाहागो लागोन। बिथाडा गोलाव 8 बोसोरनि उनाव बे दुर्नामेन्टनि पेरिस लेगआव ओंखारगोन। निरजआ लान्थियै खेबनै दुर्नामेन्टआव नैथि मासिआव थानाय महरै बे खेबआव गिबिआव थानो नाजागोन। थानाय बोसोरव अलिम्पिकखौ नोजोर लाखिनानै बिथाडा बे दुर्नामेन्टआव बाहागो लायाखैमोन। निरजआ जोबथा खेब 2017 आव जुनियर वर्ल्ड काप सेम्पियन महरै पेरिस डाइमन्ड लीगआव बाहागो लादोंमोन। जेराव 84.67 मिटर



जान्थायजों बिथाडा बाधि मासिआव थारदोंमोन। पेरिस डाइमन्ड लीग खुंफुंरा आफादआ दासिमआवबो इभेन्टआव बाहागो लागोनखौ फोसावाखै। नाथाय निरजजों लोगोसे खेबनै वर्ल्ड सेम्पियन ग्रुनेडानि एन्डार्सन पिटासनि बाहागो जागोनखौ रोखा खालामदों। बिसोर सानैखौ लाफानानै गासै सा 5 गेलेगिरिफोरा दासिमआव

बे इभेन्टआव 90 मिटर मार्कखौ मोन्दों। पिटासआ थानाय 16 मेखालि दहा डाइमन्ड लीग आरो 23 मेआव पलेन्डआव खुंजानाय जानुस मेम 'रिएलआव निरजनि उनाव नैथि मासिआव थारदोंमोन। बेबादि थासारिआव निरजआ बे खेबआवबो गावनि गोहोखौ गुबुन गेलेगिरिफोरा हेंथायै लाखिनो नाजागोन।

आसाम एथलेटिक्स एस 'सिएसननि जथुमआ

गुवाहाटी, 16 जुन: अल आसाम एथलेटिक्स एस 'सिएसननि एक्जिक्युटिभ कमिटीनि मावफुं सोद्रोमाफोरनि जथुमआ तेजपुरआव जाफुंसारै जालांबाय। जेराव हाबाफारिआव गाहाइ मासिगिरि महरै एस 'सिएसननि आफादगिरि जयन्त मल्ल बरुवाआ बाहागो जाहेंदों। बे समाव राइज्योनि सिडव एथलेटिक्सनि गेजेराव अभाअल जौगाहोनायनि सायाव गोनांथि होनाय जायो। जेराव जथुमआनि गेजेरजों नलबादिआव एथलेटिक्स एकाडेमि गायसन्नांगीनि थोखि लानाय जायो। बे हाबाफारिआव गासै सा 20 हौवा आरो सा 20 आइजो एथलीटफोरा सायख 'जानाय महरै बे एकाडेमिआव मोजां सोलोंथाय



मोनगोन। लोगोसे एस 'सिएसनआ थारबेनो सरसजाइ स्पर्टस

कमप्लेक्सआव गंसे सेन्टर अफ एक्सलेन्स फर एथलेटिक्स खालामनाय जागोननि थिरंथा

लायो। जथुमआनि गेजेरजोंनो ग्रासरथ थाखोआव बाहागो लानायखौ जौगाहोना थाखाय

इन्टार क्लाब एथलेटिक्स बादायनायखौ गंफ्रोमबो जिल्लायवा लानो थिरंथा लायो। जेराव बैफोर इभेन्टफोरनि थाखाय एस 'सिएसनआ रंखाथियारि मदद होनोबो थिरंथा लादों। बे जथुमआव मावख 'नि सोद्रोमाफोरनि अनगायै एस 'सिएसननि नेहाथारि गितार्था गस्वामी आरो रं दोनथुमगिरि अशक भरालीआ बाहागो जायो। जायनि फारिआव बारा' हारिमायारि एथलीट तायावुन नेसाआबो बाहागो लाफेंदों।

भारतनि हकी हान्जाआ अस्ट्रेलियाजों जेन्नादों

गोदान दिल्ली, 16 जुन: मनप्रोट सिंहनि 400 थि हारिमायारि मेचआ मिजिथि बादि ट्रेकजों सोलियाखै। जाउनाव भारतनि हान्जाआ मेचआव गोखोडै दिन्थि फु 'दों बला बो जोबनायसिमआव 2-3 गलनि फारगआव अस्ट्रेलियानि हेंथायै गेलेनाय एफआइएइस हकी प्र: लीग 2024-25 नि मेचआव जेन्नाडो। बे मेचआव अस्ट्रेलियानि जानानै थिम ब्रेन्डआ 4, ब्लेक गभार्सआ 5 आरो कपार बार्नसआ 18 मिनिटआव गल सोदों। बेरफासं भारतआ सन्जयनि 3 आरो दिलप्रीट सिंहनि 36 मिनिटआव गल सोनाय मोन्दोंब्लाबो गुबुन गेले गिरिफोरा हान्जानि स्करिआव मदद होनो हायाखै। बे मेचआव जागायजेन्नाया थारैनो मुहिनांथावमोन। मानोना



भारतआ मेचनि 3 मिनिटआवको सन्जयनि गलजों आवागयदोंमोन। अब्लाबो उरनि माखासे मिनिट समावको अस्ट्रेलियाआ गल सोफिन्दों। बे मेचआव गिबि 10 मिनिटआ गोखेयै सोलिदों। गिबि क्वार्टर जोबनायनि उनाव अस्ट्रेलियाआ 2-1 गलआव

आवागयदोंमोन आरो गोखेयैनो कपारनि 18 मिनिटआव गलजों 3-1 गलआव आवागयदों। बेनि उनाव भारतआ गलनि थाखाय गोखों सेलेन्ज होबाय थानायनि फिथाइ महरै दिलप्रीट सिंहआ 36 मिनिटआव भारतनि जानानै गल सोफिन्दों। नाथाय बे

समनिफ्रायनो 1 गल स्करिनि फारागथिआ जोबनायसिम थालाडो। मानोना बे समनिफ्राय मोननेबो हान्जानि गेलेगिरिफोरा डिफेन्सआव गोखोडै दिन्थिफुदों आरो गावजों गाव फिन गलनि थाखाय लान्थियै सेलेन्ज होज्जलयदों।

मिड फिल्डार बेकी अरामआ नर्थ-इस्ट इउनाइटेडजों गावनि रादाइखौ फोलावदों



दिन्थिफुलांगोननि फोथार्यथि होयो। बे समाव बिथाडा थानाय बोसोरनैआव गेलेनायजों क्लाबनि गेजेराव गावनि गोबां आवागयनो हानायखौ गोजोन्नाय फोरमायो। जेराव बिथाडाबो डुगन्ड कापआव देरहानाय आरो सिक्किम गभर्णरनि गल्ड कापआव गावनि देरहानायनि बाहागो जानो मोन्नायखौ गोजोन्नाय फोरमायो। बे समाव बिथाडा गावनि सायाव फोथार्यथि लानायखौ इयुनआवबो लाखिलांवाय थानो नाजागोननि फोथार्यथि होदों।

गुवाहाटी, 16 जुन: मिड फिल्डार बेकी अरामआ नर्थ-इस्ट इउनाइटेड एफसिजों गावनि कन्ट्रेक्टखौ फोलावबाय। जायनि फिथाइ महरै बिथाडा हाइलेन्डार्सन जानानै 2028 नि सिजननि जोबनासिम गेलेलांनो जान्जि खाफ्रादों। बेनि सोमोन्दे इन्डियान सुपार लीगनि हान्जा नर्थ-इस्ट इउनाइटेड एफसिआ रोखा फोसावदों। बे क्लाबआव

हाबनायनि उनाव बेकीआ आइएसआलआव गासै खेब 18 मेचआव बाहागो जानायनि अनगायैबो सुपार काप आरो डुरान्ट कापआवबो हान्जानि जानानै गेलेदों। बेकीआ नर्थ-इस्ट इउनाइटेड एफसिनि जानानै माखासे मेचफोराव मोजाडै दिन्थिफुलांनै बयनिबो गोसोखौ देरहादों। जेराव 40 थि सिक्किम गभर्णरनि गल्ड कापआवबो

गावनि आर्थिनि जादुखौ लाखिनानयनि अनगायै रिताइन्स फाउन्डेसन डेभेल्पमेन्ट लीगआवबो बिथाडा गोखोडै दिन्थिफुदों। रादाइनि उनाव बिथाडा खौरंगिरिनि मोगा-मोगिआव कचिं स्टाफ आरो मेनेजमेन्टनिसिम गावनि सायाव फिन फोथार्यथि लाखिनानयखौ गोजोन्नाय फोरमायो आरो क्लाबनि जानानै मोजाडै

सानै गथ 'नि बिमा मारियाआ कुइन्स क्लाब टेनिसआव सेम्पियन जादों

लन्डन, 16 जुन: सानै गथ 'नि बिमा आरो क्वालियाफायर टुर्नामेन्टआव गेलेग्रा जार्माननि 37 बोसोर बैसोनित तात्याना मारियाआ गोखोडै दिन्थिफुनो हानायजों कुइन्स क्लाब टेनिस टुर्नामेन्टनि बिमुं देरहाबाय। बिथाडा फाइनालाव आमेरिकानि



अमान्डा एनिसिमभाखौ 6-3, 6-4 स्करआव फेजेन्दों। सेमिफाइनालाव अस्ट्रेलियान अपेन सेम्पियन आमेरिकानि

मेडिसन किसखौ बिथाडा 6-3, 7-6 स्करआव फेजेन्दों। मारियाआ थानाय 5 बोसोरनि गेजेराव मोनसे टुर्नामेन्टआव बिमुं

देरहानो हानाय बयनिखुइ बैसो गोरारिनि गेलेगिरि जावाय। जेराव बेनि सिगां 2020 आव सेरेना उइलियाम्सआ 38 बोसोर

बैसोआव अकलेन्ड क्लासिकनि बिमुं देरहादोंमोन। उइम्बल्डननि सेमिफाइनालाव सौहैनो हानाय मुलुगनि 86 थि नम्बरनि गेलेगिरि मारियाआ बे टुर्नामेन्टनि क्वार्टर फाइनालाव बारा' उइम्बल्डन सेम्पियन बैथि रेंकिनि एलिना रिभाकिना आरो थामर्थि राउन्डआव 6 थि रेंकिनि केरलिन मुसभाखौ फेजेन्दों। देरहानायनि उनाव बिथाडा खौरंगिरिनि मोगा-मोगिआव गावनि बे टुर्नामेन्टखौ गोसो होनानै मोजां मोन्नायखौ फोरमायदों। जेराव बेनि थाखाय गावनि गोलाव समनिफ्रायनो थियारि जाबोनायखौ फोरमायदों।

चिंगांबाम शिभाल्डआ बेंगालुरु एफसिजों कन्ट्रेक्टखौ फोलावदों

बेंगालुरु, 16 जुन: मुंदांखा फरवाड गेलेगिरि चिंगांबाम शिभाल्ड सिंहआ मोनसे गोदान 3 बोसोरनि रादाइ खानाय महरै बेंगालुरु एफसिनि जानानै गेलेलांनो जान्जि खाफ्राबाय। रादाइ बादियै बिथाडा बेंगालुरुनि जानानै 2027-28 नि जोबनाय सिजनसिम क्लाबआव गेलेलांसिगोन। शिभाल्डआ भारतीय हान्जानि आन्डार-23 स्क्वाडआवबो काजाकिस्ताननि हेंथायै लोगोयारि मेचआवबो जायगा मोन्दोंमोन आरो थानाय जोबथा दानआव किर्गिस रिपब्लिकनि हेंथायै दुसानबेआवबो गेलेदों। बिथाडा



बेंगालुरु क्लाबनि जानानै खेब सिजनआव गासै खेब 15 मेचआव बाहागो जादों। बिथाडा ब्लुसनि जानानै मुम्बाइ सिटि

एफसिनि हेंथायै 2023 आव डेब्यु खालामजेन्दोंमोन। जेराव बै मेचआवको बिथाडा क्लाबनि 2-1 गल स्करिआव गवनि

हेंथायै गेलेनाय मेचआव गिबि गल सोजेन्दों। बिथाडा क्लाबजों गेलेनाय समाव 2023-24 नि जोबनाय सिजनआव क्लाबनि इमार्जि प्लेयार अफ दा सिजन बान्थानि थाखायबो सायख 'जादों। जेराव बिथाडा बे बोसोरवको भारतीय आन्डार-23 स्क्वाडआव डेब्यु खालामदोंमोन आरो गावनि गिबि बाहागोआवनो मालएसियानि हेंथायै लोगोयारि मेचआव गल सोनो हादों। बिथाडा बेंगालुरुजों रादाइखौ फोलावनाय महरै बे खेबआवबो गावनि सायाव फोथार्यथि लाखिलांनो नाजागोन।

अरुनाचल प्रदेशनि हिलां याजिकआ साउथ एसियान बडी बिल्डिंआव जाफुंसारनो हादों

इटानगर, 16 जुन: अरुनाचल प्रदेशनि हिलां याजिकआ 15 थि साउथ एसियान बडी बिल्डिं एन्ड फिजिक स्पर्टस सेम्पियनसिप 2025 आव सनानि मेडल लाबोदों। भुयननि थिमुआव खुंजानाय बे




इभेन्टआव बिथाडा देरहानानै राइज्योनि गेजेराव गोग्गनाय लाबोदों। बिथाडा बे बान्थाखौ आइजोफोरनि मडेल फिजिक (155 सिएम) सिम केटेगोरिआव आरो गुबुन गंसे सिलभार मेडलखौ गुबुन केटेगोरिआव देरहादों। मख 'नाय जायोदि, बिथानि मोजाडै

दिन्थिफुनाया राइज्योनिफ्राय गिबि खेब जाफुं सारनाय जारिमिन थिसनजादों। मानोना बिथाडानो गिबि खेब महरै राइज्योनिफ्राय इन्टारनेसनेल टुर्नामेन्टनि फिजिक स्पर्टसआव सनानि मेडल देरहादों। बे इभेन्टआ थिमुआव 11-15 जुननि गेजेराव खुंजादों। बिथानि

जाफुंसारनाय राइज्योनि गिबि मन्थि पेमा खान्डुआ गोग्गनाय फोरमायदों। जेराव फिजिक स्पर्टसआव बिथानि गंसे सना आरो सिलभार देरहानाय थारैनो थुलुंगा होथावना होना बिथाडा बाखायदों। बे समाव मिरु मन्थि किरेन रिजिजुआबो बिथांखौ बाखायदों। लोगोसे बिथानि जाफुंसारनाया राइज्योनि अनगायैबो हादरनि मुंखौ गोजौआव लाबोदों होना बिथाडा फोरमायो। 25 बोसोर बैसोनित गेलेगिरिआ भारतनि जानानै बे इभेन्टआव गावनि राफोद देहाखौ आरो रंगथिखौ दिन्थिफुदों। जेराव बेनि गेजेरजों राइज्योनि गोबां लाइमोन गेलेगिरिफोरानो आवागयनायनि थुलुंगा मोनगोन।

साननैनि हाबाफारिजों खुंजानाय आम्पायार-फोरनि मावबादाआ जाफुंसारै जोबलांबाय

गुवाहाटी, 16 जुन: आसाम क्रिकेट एस 'सिएसनजों खुंजानाय साननैनि आम्पायार सेमिनारआ गुवाहाटी नोगोरमानि एसिए स्टेडियमआव जाफुंसारै जोबलांबाय। बे सेमिनारनि गेजेरजों जर 'खायै क्लास-II आम्पायारफोरनि गेजेराव रंगथि आरो गियान बांहोनो थिरंथा लानाय जादों। जेराव बेनि थाखाय बिसोरनि गेजेराव



माखासे दिन्थिफुनायनि गेजेरजों सांग्राथियारि गियानखौ बांहोनय जादों। बे हाबाफारिनि जोबनाय सानखालि बारा' सा 52 आम्पायारफोरा बाहागो जाफेंदों। जेराव बिथामोनहा सिगां समाव एसिएनि पेनेलआव हाबा मावदोंमोन आरो 60 बोसोर एबा बेनिफ्राय गोजौआव सौहैनय महरै बिथामोनहा सिनियर आम्पायार महरै थियारिनि बे बादायव बाहागो लाफेंदों।